


FUNGE

 ...hano cheka, mu Lijina lya Mwata Yesu, kaha kwivwa milimo yayinene na undume uze Ove unalingi, shimbu kanda. Kaha jino etu tunemana na kuwahilila chosena, kukatujola ma lufwelelo na kutuwavwisa etu, kufwelela nge ocho etu tunahulu ufuku uno navaya nakutuha nacho. Ove unatachikiza wose na vosena umwe alimuno, vyosena vize vakiko vana lombo. Kaha etu twavalombela vakiko, chikumanyi, Mwata, vaze vali kwakamwihi na kufwa. Neha kuunda kumyono yavo kachi kayeshi hanoko. Neha kuhinduka kumijimba yavo. Tuhanecho echi, Mwata.

² Kisula kwiza chetu hamwe. Etu—etu twalombo, Mwata, ha Chitatu chino na kulomba cha kuliwana chaufuku uno, ngana, nge omu etu twalikungulula, kutachikiza nge hose hali vavali mokomoko vavavulu kukunguluka hamwe, Ove naupwa nayetu. Kaha twakulombo Ove, Mwata, kutuhana etu Lizu Lyove ufuku uno. Hanjika kuli etu, Mwata, kaha zumisa michima yetu, muungeji, ngana etu tutachikize omu mwakuliyulila etu vavene ha lwola lwalunene luze luli kulutwe lwetu, nge omu etu twafwelela ngana etu twakupandama ku Kwiza cha Mwata.

³ Etu twakusakwilila Ove hali vathu omu vali jino kuputuka kuwana nakulingisa lufwelelo kupwa kuwaha kuli vakiko, na kutachikiza omu lufwelelo mulwa lumbunukila. Kaha hakutachikiza, na kukusakwilila Ove ha kutanga chili kulutwe, kufwelela nge Ove nauya na kulinga chuma chimwe. Mwata, etu tuli na kuvandamina na kuwahilila chosena, nge makumbi akumyaka, kufwelela nge luze lwola lunapandama omwo Ove nauya na kukatula jijanene ja Mwilu na kuhingununa jikisu jize Kalunga ashikile mumakumbi ano amakumishilo.

⁴ Jino etu twakulombo Ove, Mwata, kupwa—kupwa na vosena, vali mumafuchi, nge lelo etu tunevu nge kuli vavavulu vanajinguluka, kwosena, vaze vali nakutonda. Vahenecho vakiko kutonda chavo, Mwata. Kaha etu tunalombo kumona chize—chize kutohwa cha livoko lya Kalunga kutambuka hali vosena mu kaye muli vaze vaze vali nakutalilila echi chuma chachinene.

⁵ Tukonekele etu shili jetu. Tuzangamise etu, Mwata, na Shipilitu Yove na Lizu Lyove, ngana etu tuhase kulilama etuvavene, kupwa vangamba va kwononoka, vangamba va kwononoka mumuchima wa Kalunga. Echa etu twanuke, kaha esekenu kushinganyeka mukachi ka michima, chuma Vakakulishitu vatete valingile. Vathu va muyachi uka vaze natukalihumangana navo omwo etu natukalihumangana hakapanji navaze vapwile na Yove. Omu kumeso kusoloka kwangwaju na lufwelelo na kuwahilila. Omu chiyoyelo chavo

chapwilenga Lizu Iya kuyoya cha Kalunga, kupwa kaha “mikanda ya kusoneka ya kutanga kuli vathu voseni,” nge omu vakiko vatambukile na kwingila mukachi kavathu. Kalunga, tuhanecho cheka nawa.

⁶ Echa viyoyelo vyetu vipwe vya kulihana kuli Ove, mangana Shipilitu Wajila mwayoya Livene muli etu, na kuhanjika muli etu, Mwata. Echa etu twanuke, mukachi kavishinganyeka vyetu, nge omu natutambuka mujijila na kulihichisa mavoko nakaye, etu katwatelanga kupwa nge vakiko ko. Kaha etu natwimana hasali na kuvahana vakiko chihela, Mwata, muvihela vyavo vakiko vya kwoloka hano ha mavu. Etu natumbata chitwamo chahanyima, kutachikiza nge etu tuli vangeji vakufuma kulifuchi likwavo. Etu tuli na Wangana uze uli na kwiza mungolo, Mwata. Kaha Mwangana wetu Wamunene linwaha vene mweza na kutambula mawangana aze ali muchinyulo Chenyi. Kaha Ikiye mwakaya na kutwaminyina na kunyula; na Ikiye hano ha mavu, myaka jisauzande, kaha natukapwa na Ikiye haya myaka.

⁷ Nechi mukachi kachishinganyeka, Mwata, jino etu natutala kulutwe kuku kumbulula cha kulomba chetu. Etu kutala kukwitavila chetu. Kachi etu tunalingi chuma chimwe, kuhanjika chuma chimwe, mokomoko kushinganyeka chuma chimwe, chize chapwile cha kulimbalaka na pungu Yove yayinene, echa Manyinga a Yesu Kulishitu atukose etu.

⁸ Tutwaminyine etu, Mwata, nge omu ndumbu wapwevo ahanjikanga naufuku, hali ikiye na lunga lyenyi ha jila yakuya ku Chicago. Vatwaminyine, Mwata Kalunga, kuheta na haseteko Ove unahase kuvazachisa vakiko, mangana vapwenga mitelezeji ya kumunyika kuli veka nawa vase vana likungulula mumilima, vase kavatachikiza ko Mwata wetu Yesu. Jino etu natulihana kuli Ove, na kwivwulila ha Lizu lyove Iya kwolola, mangana etu tutachikize omu mwakuliwahishila hali elu lwola lwalunene, mu Lijina Iya Yesu twachilombo echi. Amena.

[Ha tepu hapimbi. Ndumbu walunga Neville mwahanjikaho—Muka.]

Mwata akukisule ove. Ngwasakwilila, ndumbu walunga.

⁹ Ngwapwanga chindende wakuhona kulizanga hali echi. Ngwa, kupwa hano hembo, Ngwevwanga nge kachi Ngwapwanga vene na kuya kumwe, mulumbushi, Ngwakwivwa kupihya, yami kutwama hembo na kuhona kwiza kukuliwana cha kulomba. Kaha Ngwevwanga nge kuholoka mu, kuhona kutachikiza, kuli yami lyavene, na kuchisaka chami. Nguli kaha na kwingila, na kufumisa. Kaha shikaho Ngwambile ngwami, “Nguli nakuya kukuliwana cha kulomba.” Kaha ikiye kapwile numbathu na lwola lwa kulizanga kwiza, shikaho ikiye katachikijile nge Ngwapwile na kwiza.

10 Shikaho Yami ngwahilila kwivwa unjiho wa ndumbu wapwevo haze, ndumbu walunga, hali chize Kumunyika swi na ku South Carolina mokomoko North Carolina, kumwe. Greenville, tahi? [Ndumbu wapwevo ngwenyi, “Nduma. Southern Pines.”—Muka.] Southern Pines. Eyo.

11 Ndumbu walunga Lee Vayle apwanga hano lelo. Ngwamujimikanga ikiye, lelo, mukutanga cha lujimiko hano lelo. Ndumbu walunga Lee Vayle, munejiva, umwe wava kakuzata kuze, Ndumbu walunga Parker Thomas. Kuze kwapwile. . .

12 Nguli na kwanuka ku—ku luze lwola, ndumbu wa pwevo kupwa mumuvwimbimbi. Echi chapwilenga kwinjikiza chachinene, ndumbu wapwevo, kuli chize. . . Uze Shipilitu Wajila lwola lumwe mwatwechela etu kuya kulutwe na kweseka lufwelelo lwetu, kumona ika. . . na kweseka veka’ lufwelelo. Omwo ove nauya kutala chikuma ha chumachimwe, na kumona chumachimwe, kaha nakuhanjika echi; veka kutala nakuhona kumona echi, vakiko kuhanjika echi nge chauchiho. Talenu? Oloze chize kuchili kuze.

13 Jino, kuze kakwapwile naumwe ahashile kumona chize Kumunyika kupwa hali Paulu, oloze Ha yapwile haze. Naumwe pimbi amwene uze katela kusuluka kufuma Mwilu, muli chize Kumunyika, muchifwanyisa, na kupwa hali Yesu, oloze Yowano lyavene. Oloze Ha yapwile haze. Talenu?

14 Kaha shikaho, jinonyi, kutwalaho omwo Ngwapwilenga na kulweka vathu hali echi Kumunyika kupwa Panda ya Kakahya, naumwe pimbi atondele kufwelela chize. Oloze jino liso lya mulikina lya mukamela lya mwene Chize.

Jino twaya ngana nge shipilitu wamupi ali wilava.

15 Echi chili nge chiyoyelo chetu, etu tuli miwimbimbi. Kaha etu tuli, kachi etu tuli kumunyika, etu tuli, kachi chiyoyelo chetu nachendela hamwe na Kumunyika cha lelo, etu tuli nakutambuka mu Kumunyika.

16 Echi chili nge ove mulovoka na kuhanjika, “Ngwamono uze musana,” mumusana waweye. Ove—ove kumona muvwimbimbi wa musana. Echi chili kusoloka cha musana. Echi kacheshi musana, uveneko, oloze chinenjikiza nge kuze kuli musana. Echi chinenjikiza kuli musana.

17 Kaha jino nge omwo na Ngumona, nge omu ove kutwama kuze, kuzachisa tufukufuku vapeho, kuhanjika, kulumbununa nge ove uli na kuyoya, oloze echi chili kaha muvwimbimbi wa kuyoya.

18 Mwomwo, kalachuma chatela kupwa na milima muchikiko, kutunga muvwimbimbi. Talenu? Mwomwo, muvwimbimbi watela kupwa na milima yayivulu na kumunyika chachivulu, kutunga muvwimbimbi. Kaha kaweshi wosena kupwa milima,

kaha kaweshi wosena kupwa hamwe musanako. Kachi uli milima, kaha uli vene milima. Kachi chili kumunyika, muze kamweshi na muvwimbimbi wauchimo, kakweshi cha kulingisa muvwimbimbi. Oloze kachi echi chili chakulifutula na milima na musana, echi nachitunga muvwimbimbi.

¹⁹ Shikaho etu tuli vene muvwimbimbi wa kumunyika. Jino enu muli nakusolola kuyoya kufuma kumwe. Kachi ove uli, kaha Vakakulishitu, echi kupwa muvwimbimbi, echi chili kaha kwinjikiza nge kuze kuli Kuyoya kuze ove kaweshi kufwako, mwomwo echi kuyoya kuli kufwa muchikiko. Talenu? Oloze echi chili muvwimbimbi, mwomwo ove uli na kuyoya, tengeso yakutambuka na ngolo ja kumona, kushinganyeka, kutambuka, na kuhanjika, na vishinganyeka vitanu vya mujimba. Oloze enu munatachikiza, vakiko, vakiko vali nakufwa. Kaha kuze kuli maukalu chikuma shikaho. Enu munatachikiza, echi chinahase kaha kupwa. . . Echi chili kusoloka, talenu, chize chili kaha kuyoya na kufwa kufutula hamwe.

²⁰ Mujimba watela kufwa. Oloze kachi ove uli nakusolo, ha kuyoya cha mujimba wove, Kumunyika cha Mwilu, kahajino ove uli nakusolola Kuyoya Chahaya myaka, Kalunga. Kahajino omwo ove naufwa, ove kaweshi numba thuhu kuya kuli chize Kumunyika, mwomwo Chize chili chuma chize unahase ove kusolola.

²¹ Kachi ove uli wa mumilima ya mukaye, ove kusoloka chize, kaha ove unahase kulinga, kanda kuya jila yekako oloze ya kumilima. Talenu? Shikaho etu tuli mukusoloka. Shikaho, etu twamono chize nge punduvene chili nge Shipilitu Wajila kusolola Kumunyika na Kuyoya, chochimwe na kufwa nawa kusolola milima.

²² Kaha hano vakiko vosena vavali. Hame- . . . Ku songo ya chalumingo, pamo ha Sondo, etu tuli nakumbata kaze kachifwanyisa kakandende na kukatohwesa kupwa chachinene, mangana kukahaka haze ha chitalilo.

²³ Kulihi, chifwanyisa *chove* yakusukika haze hambango yakatachikijilo. Ngwahono kutachikiza nge enu mwachimonanga echi, mokomoko nduma. Kaha jino. . .

Kaha chalumingo kaha hanyima, mu—mu Jamaica, kuze Ngwapwile na kuzata umishonali. . . Etu natutuma jitepu kwosena kukaye. Kaha Tuze *Tutachikijilo twa Seveni* twakinduluka mu. . . jila ya kunyima na kwingila mu Jamaica, swi na mupoli. Kaha muze muli kusalila chikuma chakunyima, kunyima ya Pili ya Usungwa. Kaha venyembo, lwola lumwe, vakiko vapwile na—na likina lya kukopa ha tepu etu natuvalingila vakiko, nge enu muli na—na, nge ize Victrola yamwaka, kuchivwuwa, kaha jino echa—echa izate nge ngocho. Kahajino, minyutu yayindende, muthu umwe atela ku izata.

24 Eli lizavu lyapwile na—na kakandende. . . ka lilolwa, lilolwa lya six volt, mokomoko chumachimwe chikwavo, kuzachisa ize likina lya kukopa ha matepu. Kaha vakiko—vakiko vapwile vanatwame hamwe, kupwa nge omu chili ufuku uno hano, kwivwulila kuli tuze *Tutachikijilo*, Ngwafwelela chize chapwile. Kaha shimbu Ngwapwile na kuhanjika, vakiko vatachikijile, kwiza nakwingila mukapete, ize Panda ya Kakahya yoyimwe yejile, yatambukile haze kuze kwapwile lize likina lya kukopa matepu kaha ya twamine haze helu lya cho. Kaha vakiko vayile vambachile likina lya kumbata chifwanyisa na kumbata chifwanyisa cha Chize. Kaha Youmwe uze, haze vene Echi, asukamine haze vene hali chize. Jino etu tuli na kuya na kuchishijika, mangana etu tuhase kuchihaka hali chize—chize chitalilo haze, mangana enu muhase kuchimona echi.

25 Etu tuli vakusakwilila hali lize likoji lya Kalunga lize vananehe muli etu. . . etu Kumeso Eyi mulikumbi lino. Jino etu tuli nakusakwilila ha vyuma vyavivulu.

26 Jino Ngwashinganyeka Nangutala hano na kutala kachi Ngwahase kuwana vimwe, kusoneka chimwe mokomoko vimwe, vyuma vimwe vikwavo vize Ngwahanjikileho. Mokomoko, kutumbata etu vyuma vimwe vyakufwana nge—nge. . . Ngwambatanga mutwe wachihande wakusoneka, kalajila, hanyima hano mumukanda. Kachi Nanguwana ko umwe, pamo Mwata mwaya na kunguhana yami chuma chimwe kuhanjika hali chuma chimwe, shimbu tuli nakulomba.

Jino, etu tuli na kuvandamina cha Sondo.

27 Ngunahanjikanga Mumijimbu. Kaha, Sondo, ngwamilamine enu hano shimbu yayinene, ha, “Mwomwoika mulila kuli Yami? Hanjika kuli vathu na kuya kulutwe.”

28 Jino, Sondo yili kutanga cha kuhindula kuze vakakuviza vatela kuvalebelela. Jino, enu yenu kuli va kakuviza, kaha mupwenga na mulonga uka uze muka kakuviza, omwo etu natu valombelela vakiko, kachi kava yoyeleko. Kaha Nguli nakutonda, kachi Mwata netava, kupwa kaha na kutanga chachihi ha Sondo na chimene, nawa. Shikaho, Nanguya nakupwa na kutanga cha kuka, na kulombela vathu voseni. Kaha Billy Paul mokomoko vakiko vamwe navakapwa hano ha Sondo na chimene, kafwe na ola ya eyiti koloko, omwo liuka nalikasokoloka, kuhana vathu makate omu na vakeza ha chikolo, mokomoko lwola olwo vakiko navakengilanga.

29 Kaha jino, jinonyi, Ngwakutonda kweseka, Ngwafwelela Mwata ali pamo nanguhane yami kumona chachindende ha milonga ika vathu vamwe vanahono kuhinduka. Kaha Ngwa—Ngwafwelela echi chili kuhona kutachikiza. Kaha Ngwa—Ngwafwelela, pamo, etu natuhanjika hali chize, ha Sondo na chimene, nge Mwata netava.

³⁰ Jino, Ufuku wa muchitatu kuli kuliwana cha kulomba kuliwana chachihi kuze natukapwa hamwe na kulomba, nge omu tuli, na kupwa hamwe.

³¹ Lwolalumwe, Ngwa—Ngwafwelela vyuma vimwe evi vya vinene vize Ngwevwanga mulikumbi lino, shina kuhona kushishika cha ovyo twafwelela. Talenu? Talenu? Kachi Kalunga, mumakumbi a John Wesley, ahashile kulinga muli lize likumbi Ikiye nahase kulinga lelo, keshi chika chinahase kulingika; mumakumbi a Martin Luther, mokomoko kala wose? Nge omu tuli nakumona Ikiye kulinga, vosena kuvenjikiza ku Liuka, kuli Shipilitu, na kuli sayasi, na kutambuka chosena, chili—chili—chili chize chakwimana chatela kumona. Kaha Lizu lya Kalunga lina jimbula lyehe Echi na chambulula Echi shimbu Echi kanda kwiza na kuhita. Kaha jino kutambuka hali, na kupolofweta, na kusolola chuma chivene chize Ikiye ahanjikile, chize nachiza na kusoloka mwakukupuka, vene omwo Ikiye ahanjikile. Kaha chochimwe etu twatwame kulu na kushipwokela, nge kachi natuli komokela. “Chamwaza, kulikomokela kachi chize chinahase kulumbununa yami? Kulikomokela kachi chinahase kulumbununa kaha—lize liuka, lyosena? Mokomoko—mokomoko, kulikomokela kachi Yami vene vanaheke muli Echi?” Ngwashinganyeka, Sondo na chimene, Nanguya na kweseka hali jimwe jize jishimbi jize jinahase kutumwenesa etu chindende.

³² Jino, ufuku uno, Ngwawane chumachimwe, alumuna kaha chize hano, 'shimbu kanda Ngwizenga kuno. Ngwashinganyekele, “Kachi nge Ndumbu walunga Neville, kachi Nanguheta kuze, ikiye pamo nge mwahanjika, ‘Kukatuka na kuhanjika,’ kaha kutwama kunahu?” Talenu? Ngwashinganyeka, “Chamwaza kachi nangusoneka Visoneka vimwe.” Mwomwo, Ngunatachikiza, ikiye, ikiye ali umwe ndumbu walunga wazangi, kaha etu—etu twamusakwilila ikiye.

³³ Shimbu kanda etu tulombe hali eli Lizu, Ngwakutonda kalemesa kuli—kuli ndumbu walunga. Ngunahono nakuvuluka lijina lyenyi lwola luno, vakiko vali vavali. Vakiko valihano, masepa jami. Uze...Vakiko vali vakakuzata na vakakwambulula mujimbu, muwande, vali na kuya. Vakiko vevwile uno Mujimbu ha tepu. Kaha vakiko vana lovoka mumauka avikungulwilo akuhandunuka, vakweze vavali. Kaha ou kanyike walunga nakunyuka, umwe mukwavo nahakeko mangana, palanga nomu ikiye atukanga nakwiza, ku Tucson, haze vene, muze vene mukusoka chize kuliwana. Ngwafwelela Ngwapwile mu kachi kakulya Chachimene cha Malunga vaka Kusekasana. Kaha uze mukweze wa kanyike, mukweze wa kanyike wamwaza, ejile nakushikumuka. Kaha ikiye. . .

³⁴ Vakiko vakufuma ku Kansas. Kaha vakiko vejile vafumune kwosena kwakusuku nakwiza kuno mangana yami nguvambachise vakiko. Ngwasakwilila chize. Kushinganyeka

nge vathu vaze vanafwelela kukulomba chove, chikuma, kufwelela nge Kalunga mwevulila na kukumbulula; vakweze javathu vali nakuputuka chiyoyelo, nge echi. Kaha omwo vakiko vali hano mangana yami nguvambachise vakiko, zau, kuwana nge lushimbi lwa lifuchi lya Indiana lya tonda, nge chipwethuhu kupima manyinga avo, kuvandamina muno mulifuchi, makumbi atatu, shimbu kanda vakiko valimbate. Shikaho, vakiko kaveshi kulimbata ko palanga Chitanu chimene.

³⁵ Kaha Nanguya na kuhula ndumbwetu walunga haze kumakumishilo, kachi ikiye nge mwemana na kutulweka etu nge ali hiya, kaha uze mwana pwevo wamundende wamwaza haze, na ndumbu walunga umwe.

³⁶ [Uze ndumbu walunga ngwenyi, “Ngwakusakwilila ove, Ndumbu walunga Branham. Halisesa lya kupwa kuno. Kaha Yami Ndumbu walunga Roger O’Neil, ngwayoyela ku Kansas, kutambuka muwande, nge mukakwambulula mujimbu wa mwaza, kulweza, ‘nge Yesu mukakulwila, mukakuka, ha lufwelelo muli Yesu...?...’Ngwalongejekanga lwola lwosena...?...Ou ikiye puwami, Patricia Brown. Etu tuli na kuya nakulimbata, ha Chitanu. Ou ikiye mukakukafwa kwambulula mujimbu na mukakuzata hamwe, Ndumbu walunga Ronnie Hunt, kuze kusongo. Kaha ou ikiye puwenyi, Carol...?...Kaha etu tuna wahilila kupwa kuno ufuku uno.”—Muka.]

³⁷ Ngwakusakwila ove, chikuma. Etu vosena twajinyi nge ava miluwa ja vakweze, yamilimo Mwata Yesu, kukisula cha Kalunga, ivalingise vakiko kutambuka lumbushi muli eyi jila. Kaha nge omu Ngwapwanga, na kuvandamina chize Kwiza cha Mwata, kaha kumona vakweze ja malunga na vakweze ja mapwevo vali napunga mumichima yavo, kuzachila Kulishitu, uze angutuva yami, talenu, kumona vakiko vali nakukatuka ngana. Uze Mwata amikisule enu, chikuma, ndumbwami walunga, ndumbwami wapwevo.

³⁸ Jino echa etu tufuku nunenu mu Mukanda waundende uze kanda lyehi Nguhanjikeho lyehi kunyima, mu chiyoyelo chami. Kaha echi chili vene...Kapetulu umwe kaha, Mukanda wa Fwilimone. Kaha echi chili...

³⁹ Yami nguli kaha ka Irish, kaha Ngwa—kaha Nguli na jisambo kwishi ya kukwachisa mazo ami, kukwata amwe mazo na kuwahaka muchihela chawo. Ngwa, Ngwa, lwola lumwe Ngwahona kuvuluka majina amwe mwakwoloka, nge Kangwawejivako omwo apwa akiko. Kaha lwolalumwe Kangwahasa kuwavuluka akiko mwakwoloka, mwomwo ya kuhona kutanga. Shikaho, “Fwilimone,” muthuumwe ngwenyi kunyima kuze, echi Ngwashinganyekanga kupwa kuvuluka cha kwoloka cha echi.

40 Jino, vase 1, Ngwakutonda kumbata kaha lizu limwe mokomoko avali kufuma muli chize.

Ami Paulu, ngufunge ya Kulishitu Yesu, . . .

41 Kaha echi chikiko Ngwakutonda kuzachisa ufuku uno, kupwa mutwe wahande, nge Mwata neteva, uli: *Funge*.

42 Jino, enu munahase kushinganyeka Paulu kuli vuluka lyavene kupwa funge. Ou muthu wamwana kachisemi, wa kuzala na Shipilitu Wajila, oloze kuli sanyika lyavene kupwa “funge.”

43 Kaha jino etu tunawane, omwo apwile na kusoneka kuli vaka Kolinde, “Paulu, kapositolo wa Yesu Kulishitu.” Lwola lukwavo, “Paulu, ndungo ya Yesu Kulishitu ha muchima wa Kalunga,” omwo apwile na kuhanjika kuli Chimoteu, na kuli vamwe vakwavo. Jino omwo ikiye asonekele hano kuli Fwilipu, ikiye ngwenyi, “Paulu, funge ya Yesu Kulishitu.” “Paulu, kapositolo,” Ngwakutonda kunangula ufuku umwe hali chize. “Paulu, nge—nge ndungo,” kunangula hali chize. Kaha jinonyi, “Paulu, funge.”

44 Oloze, ufuku uno, kupwa na chimbata jiola jajivulu kumbata mutwe wachihande umwe, Ngunatondo kumbata, ufuku uno, “Paulu, uze funge,” na kumbata mutwe wachihande: *Funge*.

Jino echa tunongamenu mitwe yetu katando kakandende.

45 Mwata Yesu, kala muthu, uze ali na mujimba wakulikangula, nahase kufukununa mapapilo a Mbimbiliya, oloze Shipilitu Wajila kaha nahase kulumbununa Echi mumu munyika chize chinahase kulumbununa echi. Etu twamulombo Ikiye kwiza jino na kutukafwa etu kwivwushisa echi chapwile chuma muka, kusonekela, echi chachinene, kapolofweto wamunene, Paulu, kaha kuli sanyika lyavene “funge.” Echa Shipilitu Wajila asolole echi kuli etu nge omu tuli nakuvandamina hali Ikiye, mu Lijina Iya Yesu Kulishitu. Amena.

46 Jino Ngunahase kujina, Paulu, omwo asonekele ou mukanda kuli Fwilimone, ohonyi ikiye na twame mu kamenga, mushi muze mu jele yayinene ya eyi mumbongi, nge—nge—nge funge. Kaha ikiye atachikijile kanawa, kutesa na chihela chenyi omwo lizu Iya lumbunukila. Ikiye vamuvingilikile na—na—na vikungo. Ikiye—ikiye kumwecha kaha ayenga wakukasunuka kuvanga muthumwe mwamulingisa ikiye kupwa wakukasunuka. Kaha ikiye atachikijile omu chalumbunukila kupwa funge. Kaha jino, cheka nawa, Ngwafwelela ngana nge—nge kapositolo atwalile mwamundende. . . keshi nge kutwala kuukalu wenyi lwola luzeko, ha kupwa funge ya—ya mujimba wenyi kupwa wakatwama muno muli eyi—muli eyi jele. Oloze Ngwafwelela ikiye apwile na kwinyika kupwa chenyi—kupwa chenyi, na—na—na shipilitu yenyi, pungu yenyi, kupwa funge ya Yesu Kulishitu.

47 Jino, etu tuli vosena vakusemuka, nawa va kukasunuka, kulinga kusakula chize etu twatondo. Kalunga ikiye kaha nahase

kulinga chize. Mwomwo, Ikiye nahase kuhaka muthu wosena ha seteko yoyimwe, mokomoko Ikiye nahase kuhaka muthu wa kuhenga hali. . . Ikiye ahakile muthu watete ha seteko ya kuhenga, ngachize Ikiye amuhakile halusesa lwa kukasunuka. Talenu? Etu tuli kaha vene, ufuku uno, nge Alama na Eva. Kakweshi chihandwako. Kwoloka na kuhenga chili kuli yetu. Kuyoya na kufwa, etu tunahase kumbata kusakula chetu; echi chili kuli ove, kuchilingisa echi. Talenu?

⁴⁸ Eyi ikiko jila Alama na Eva valingile, kaha, talenu, kaha—kaha vakiko vatungile kusakula chakuhenga. Kaha jino, hali chize, kuhaka muyachi wosena, wa muyachi muthu, kwishi ya kufwa, ndando ya kufwa.

⁴⁹ Kaha jinonyi Kalunga ejile muchifwanyisa cha muthu na kumbata chize kufwa, kaha afwetele ndando ya kufwa, yize. . . Vanavenyi vafwililile kupwa—vapwenga vakukasunuka na kuya vakukasunuka.

⁵⁰ Jino, kachi Ikiye atumbachile etu, chakuzeneka jila yoyimwe ize Ikiye alingile na Alama na Eva, atukokele etu kuhita muchuma chimwe, ngwenyi, “Nangumilwila enu chipwethuhu enu mwatondo kumilwila mokomoko chiku,” kahajino Ikiye ahakile Alama na Eva ha—ha chikuku cha kuhenga, mwamono. Oloze hali etu vosena twatela kusakula, muli lino likumbi, mukachi ka kufwa na kuyoya. Etu tunahase kuchilinga echi.

⁵¹ Nge omu Ngunahase kuchilumbununa, kachi ku munyika chove, kuyoya chove na chinjikiza vene kusali yimwe ili uli ove. Kangweshi kuzakama kusali muka ove nawamba okwo uli. Chuma muka weji kulinganga, hakumbi ha kumbi, cheji kwinjikiza ove uhiya. Enu mwevwa lyehi kumyaka ngwavo, “Kuyoya chenu chili nakwivwakana helu, Kangweshi na kwivwa unjiho wenu ko.” Talenu? Vyenu—vilinga vyenu vili nakwivwakana chikuma.

⁵² Ngwafwelela lwola lwosena mu kutambakana na kutumbuka. Oloze Ngweji kuhajikanga lwola lwosena, “Kanda kutumbuka kuhambakana omwo wayoya ko, ’mwomwo kaye na kaya na kutala chize.” Mwamono? Ove watela kutumbuka kutesekeza na kuyoya chove, shikaho, mwomwo muthu umwe ali na kukutala ove. Kaha jino omwo. . .

⁵³ Vathu veji kuhona kwizanga kuliuka. Vakiko—vakiko, vakiko vavavulu, veji kuhona kuchilinga echi. Kaha vakiko vamwe, kaveshi nakwizanga, vathu vamwaza. Vakiko vana mono maswekeza muliuka, palanga kaveshi nakutonda kupwa na chuma chimwe na kala chumako. Kaha lwola lwaluvulu, etu tuli nakuhanjika hali vishinganyeka vya muchano ove muhona vize, ove muhona mwaku vapaishila vakiko, talenu, mwomwo ya—ya mujila omu vathu vali na kulinga. Vakiko veji kulisanyikanga vavene kupwa Vakakulishitu. Vakiko vali chimbuji cha kulimbwisa chize kaye valinacho, ali lunga na

pwevo vase veji kuhanjikanga kupwa nge Vakakulishitu, kaha na kuyoya chumachimwe chakulimbilaka kufuma na kuhanjika chavo. Chili chakwoloka.

⁵⁴ Jino, kusawisa na chikeza kuze Kukusopesa. Jino, mukashili, mukakulanjisa wala, mukaku teya juka, muka ujila, ikiye—ikiye keshi kevwa kusauka ha kwivwa kumutangila kusopesa chenyi ko, “Kumuhangila mu kakahya kahaya myaka.” Ikiye keshi kevwa kusauka. Oloze uze mukweze ali na kweseka kulisweka munyima ya kulivuluka muliuka limwe, uze ikiye kanyike mwakaya na kupwa wa kusauka ha Likumbi lya Kukusopesa. Talenu? Chize kulivuluka kupwa Mukakulishitu, na kuyoya jila yeka. Echi nachipwa chamwaza kachi ikiye katelele numbathuhu kulivuluka nge hichuma chimwe nduma, kuhona kuputuka, kuhambakana kuputuka na kuyoya muchuma chimwe cha kulimbilaka. Mwomwo, ikiye napu chimbuji chachinene etu tukwechi, echi chili cha kukulyamba ngana kuhanjika nge ikiye—ikiye—ikiye ali Mukakulishitu, na kuyoya chumachimwe chakulimbilaka.

⁵⁵ Lwola lwosena, kanda kusopesa chiyoyelo chove na ngolo jingahi ove uli najo ja kulinga vikomwesa. Kaha etu katwalisopesa etu vavene ha chinyingi chingahi ove uli nacho ha Lizu. Oloze lwola lwosena lisopese ove lyavene, tala hanyima na kulava mihako yamiyachi muka yachize chiyoyelo ove uli na kusolola jino uli nakwima. Talenu?

⁵⁶ Nge omu Ngwatangisanga lwola lumwe kunyima, ku kuliwana cha vakakusekasena va mu Phoenix, Arizona, ha kusoloka cha Yesu, kusolwesa Kuyoya cha Vakakulishitu. Ngwambile Ngwasemukila ku Kentucky, kuze kuli vene kusalila, chikumanyi kunyima omwo Ngwapwile Ngukanyike. Kaha ou kanyike wamundende kanda lyehi apwenga na—na—na—na limbo nge eli tuli nalyo kuno, kuze etu kakwapwilenga mapwevo vamwaza vase vahashilenga kotalanga muvivanjilo, vosena kuhita muzuvo, kulama jikambu javo muvihela vyacho, kaha nangocho. Oloze ikiye apwile na kamwe kakandende, kakandende kachihanda kakupapalila ha mutondo kuweluka, kuze kwapwile katambo kakusanyina, kuze ise na naye vasanyinenenga, na kusakula jikambu javo, na vyangocho, kufuma muli kaze kachihanda kamwaka kachivanjilo kakupapalila ha mutondo.

⁵⁷ Muchano vene, aze akiko miyachi ya membo aze etu tuli nawo. Kala muthu alinatonda kumona chivajilo, etu vanyike, etu twapwile na kumbata chikasha na kuya helu na kukosa, na kutala mukachi kaze ka chivajilo ka—ka chivajilo chize Ngwambachile, yami lyavene, muze mwakuzova. Chize chapwile ku Kentucky. Chize chapwile muno mu Indiana, kutwala na kuno ku Utica Pike.

58 Jino, ou kanyike wamundende kanda lyehi ali mone ivene nge ngana. Shikaho, ikiye ejile ku mbongi, na kutambukila kaka yenyi. Kaha haze. . . Ha kutambuka muze mukapete, kaka yenyi apwile na zuvo ize yapwile na chivajilo chachinene ha chikolo. Kaha shikaho, kanyike wamundende, ha kulaha na kuhita mu uze—uze kapete, mwamona kanyike walunga mukwavo kulutwe lwenyi. Kaha uze kanyike walunga apwile na kulaha, nakiye nawa. Shikaho ikiye ashinganyekele nge nguchimaneko chindende muminyutu yayindende mangana ngumone uze kanyike mwaya na kulinga yika. Kaha omwo ikiye mwemana, na uze kanyike walunga mwemana. Omwo ikiye alumwine mutwe wenyi, na uze kanyike walunga mwalumuna muthu wenyi. Ikiye azozomwene mutwe wenyi, na uze kanyike walunga azozomwene wenyi. Makumishilo, atambukile kwakamwihi, awane kanawa. Kaha ikiye alumukile nakujinguluka. Naye yenyi amutalile ikiye, na kaka yenyi, na kulikomokela. Ngwenyi, “Mwomwoika, mama, uze yami.”

59 Shikaho Ngwambile, chize, “Etu, nawa, tuli na kusolola chumachimwe.” Talenu? Kuyoya chetu cheji kusoloka.

60 Kaha jino, kachi etu twayoyele mumakumbi a Nowa, kachi kusali muka uli? Keshi kusali muka etu twambachile mulize likumbi lyalinene lize Nowa ayoyele? Keshi kusali muka etu twambachile mumakumbi a Mose? Keshi kusali muka mumakumbi a Elija, uze kapolofweto, omwo kaye kosena vapwile vakujiminyina mu—muchize kuvula cha—cha kutona, nge Yezevele wa kutona, kaha ikiye ajihile vangamba ja Mwata muno mu kaye kosena? Kaha lize liuka cha kupilikola chauchi vosena nakulifukula kuli ikiye. Ove keshi unambate kusali ya chivulu, mokomoko ove keshi unemana na Elija?

61 Jino, mu makumbi a Mwata Yesu, omwo etu natuhasa kushinganyeka hali ou Muthu wakuhona ulemu, wa kuhona kutangisa ku kaye, na mashikola va wanyine nge Ikiye ahashile kuyako yauchi, kaha na—na kulinagula cha kushikola chauchi. Kaha—jino akulile na lijina lya “mwana wakusemukila muujila.” Kaha jinonyi alovekele, na kunangula Mujimbu wamwaza uze wa kulimbalaka na kalachuma chize vakiko vavanangwile. Vapwile. . . Kaha kupanyisa va kakuzata na mazavu avo, na vya ngocho.

62 Kaha vase vakamazavu vapwile na—na—na hanjikiso, “Kachi kalamuthu mwaya numba na kumwivulila ou vavuluka ngwavo kapolofweto, natumutumbika nakumulovola kusali ya sunangonga,” chize chapwile ku—kupwa shili vene. Vakiko vapwile na kupwa vakutela. Jila kaha vakiko vatelele kulifukula yapwile mwishi ya manyinga a mwana mukoko. Vakiko vatelele kwiza kuli ou apwile mulambu. Kaha—kaha jinonyi vakiko vapwile vakutambula, kaha omu chapwile chuma cha chinene.

63 Kaha ou Lunga ahombwanyishile chuma nge chize. Oloze Ikiye apwile wakukupuka na Chisoneka, oloze keshi mujila kana vakiko vatachikijile Chizeko. Keshi ove wambachile sali muka? Talenu? Jino, kanda... Chiyoyelo chove chize uli na kuyoya oholili, chinazolole jino vene keshi chuma muka ove walingile jino, mwomwo ove uchili wakuhetuwa kuli uze shipilitu youmwe. Talenu? Kachi ove naumbata ize sali jino, na vakiko, ove keshi wachilingile vene. Mwomwo, uze shipilitu youmwe uze ali muli enu oholyapwa apwile na mulivakiko vathu vene. Talenu?

64 Uze liyavolo keshi kuhasa kumbata shipilitu yenyi; ikiye eji kufumanga muli muthu umwe nakuya muli mukwavo.

65 Kalunga keshi kuhasa kumbata Shipilitu Yenyi, chipwetuthu; Ikiko yeji kuya na kufuma muli muthu umwe na kuya muli mukwavo. Talenu?

66 Shikaho, uzevene Shipilitu apwile hali Elija ejile na kupwa hali Elisha, Youmwe hali Yowano Mukakujimika, na ngocho.

67 Uze Shipilitu Wajila, apwile hali Kulishitu, ejile hali tumbaji, na kushikumuka, na kupwalika hali vathu. Mwamono? Kalunga kanda lyehi ambate Shipilitu Yenyi.

Shikaho vatuseza etu, mangana tupwenga na kusakula.

68 Kaha Kangwe—Kangweshi nakumona hano kuze Paulu apwile na kulinyenga hachuma chimwe, na kuhanjika nge nakulikonekela ikiye hakupwa funge. Oloze ikiye apwile na kulivuluka lyavene... Ngwafwelela nge Paulu, nge omu asonekele ou mukanda naize sonekeso, nge yapwile Shipilitu Wajila ikiye amulingishile kusoneka chize. Chize, pamo, nakuufuku uno, uze etu pamo tunahase kufumisamo kutanga cha mutwe wachihande, kwinjikiza mwomwoika Paulu alingile echi. Mwomwo, echi chili Chakusoneka, kaha Chakusoneka chapwa cha Haya mwaka. Ngwafwelela, chize, natwame muze mumajilo mujele yamwaka, kaha Paulu hano mwasoneka kuli vanakwavo, nge, ndumbwavo walunga, nge ikiye apwile “funge ya Yesu Kulishitu.” Shikaho, ikiye ahashile mangana kuhichila muli vize amwene muze apwile ikiye. Jino, ikiye apwile mujele, oloze keshi chize chikiko apwile nakuhanjikhako, ou—ou ngamba ya Kulishitu, mukakuzata naikiye. Ikiye apwile nakuhanjika nge ikiye apwile funge ku Lizu lya Yesu Kulishitu, ’mwomwo Kulishitu ikiye vene Lizu.

69 Kaha Paulu apwile wakulinangula wa mumakumbi eyi. Ikiye apwile na kujina chachinene. Ikiye apwile na—ikiye apwile vene—vene—vene lunga uze valongesele na... kuli vathu, mukweze wa lijina lya Gamaliel, uze apwile mulongeshi wamunene wa mulikumbi lyenyi, wa jishikola jimwe jainene kuze ahashile kuyako. Pamo nge, etu tuhanjike nge, Wheaton, mokomoko Bob Jones, mokomoko shikola yimwe yayinene yakutangisa. Ikiye vamunangwile nge—nge—nge mukakuzata

wamu Lizu. Ikiye apwile wakutangishiwa chikupu, wa utongwe, kaha kanyike wamangana na kujina chachinene pamo kachi likumbi limwe mwakeza na kupwa kapilishitu mokomoko kapilishitu wakulitulaho kuli vathu jenyi.

⁷⁰ Ikiye apwile na kujina. Kaha kuwana, nge, echi kujina chachinene chize vamulongeselele, kaha ahashile kuhana kuyoya chenyi chosena hali chize, kufuma pamo hamyaka yakukula nge eyiti mokomoko teni, kutwala naku seti mokomoko seti faifi, omwo akumishile kutanga na kukumisa kushikola yayinene; kaha ikiye na lipuloma na vyosena, kaha emanyine kanawa na vosena vaze—vakakuzata, na kuli kapilishitu wamunene wa mu Yelusalema. Ikiye atambwile jishimbi kufuma kuli ikiye, jishimbi jenyi kaha, jakusoneka, apwile Saulu wakufwelela chikupu, “A yenga ku Ndamashiku na kuwana vosena vaze valina kulifukula Kalunga mwakulimbalaka namuze ikiye alina kuhanjika, kaha nakuvakasa vakiko na kuvahaka mujele.” Kachi chahashile, ikiye apwile najishimbi vamuhanyine numbatuthu kuvajiha, nge nasake. Ikiye apwile ngocho... Ikiye apwile na kujina chachinene.

⁷¹ Kaha jino, mwosena muze vamulongeselele, Kalunga achimbachile na kuchifumisa chosena muli ikiye. Talenu? Kaha na chize kufwila chenyi, na chize ise enyekenene mbongo, na kujina cha ise na naye, chapwile chosena vachimbachile na kuchifumisa muli ikiye mwomwo—Kalunga apwile na chuma cheka chikwavo. Shikangaho, ikiye apwile funge kufuma kukufwila chenyi chize apwile nacho mukuyoya chenyi, kaha neza na kupwa funge ya Yesu Kulishitu, Ou apwile Lizu.

⁷² Ize jila yakuya ku Ndamashiku yamwalumwine Paulu. Ha kuya, pamo leveni koloko, pamo, mulikumbi, lize vamuvetele na kumumbila hamavu. Ikiye ewvile Lizu, kuhanjika, “Saulu, ika uli nakunguyanjisa Yami?” Kaha ikiye andukile na kutala. Kaha kwanduka na kutala, kupwa ka Yuleya, kaha atachikiza ize Panda ya Kakahya apwile Mwata uze atwaminyinenga vana va Isalele, mwomwo ikiye atachikijile chize chapwile chuma Muka.

⁷³ Anukenu, ou ka Hepeleu ikiye keshi kasanyikile chize kupwa “Mwata,” wakapetulu M-w-a-t-a, Elohimu, kuvanga ikiye nakuyuka nge nge mukiko chapwile Chize, mwomwo ikiye apwile muthu wa kulinangula. Kaha omwo ikiye andwile na kutala, kaha ikiye amwene Echi, Kumunyika, Panda ya Kakahya ize ya twaminyinenga vathu jenyi kuhita muze mupambo, kaha ikiye ngwenyi, “Mwata,” Elohimu, wakapetulu M-w-a-... “Mwata, Ove uli Hiya?”

⁷⁴ Kaha omwo chapwile chakulikomokela kupwa kuli ou mukakutanga vyauthu, kwamba, “Yami Yesu,” uze vene Umwe uze ajinjile chikuma. Chuma kana—chuma kana kwiza na kwalumuka! Mamalelo! Mamalelo! Echi chatelele kupwa chuma

chimwe chakuvwisa woma kuli ou muthu, chize chosena chize kujina chenye chize apwile nacho, kuwana, vyosena hamwe, ikiye uze apwile na kuyanjsa. Kujina chenye cha mutambukishile ikiye na—na kuya na kufumako muvwuma vivene vize ikiye ashinganyekele kulinga. Kaha chuma kana—chakuzuzwisa chachinene chikuma keshi omu chapwile, kuli ou kapositolo, omwo Ikiye ngwenyi, “Yami Yesu,” uze vene Umwe uze apwile na kuyanjsa. “Ika uli nakunguyanjsa ove Yami?”

⁷⁵ Kutanga chikwavo chachindende hano etu tunahase kuhaka hano. Mwamono, nge omu vakiko navahaka kusekeleka ha Liuka, vakiko kaveshi chikupu na kusekeleka Liuka ko, vakiko vali nakusekeleka Yesu. “Ika uli nakunguyanjsa ove Yami?” Chapwile ngachilihi na Paulu jino, na vaze vosena vakutanga, kufwelela chize nge Echi kuchapwile. . . lize lizavu lize apwile ikiye apwile na kuyanjsa lyapwile Kalunga ivene uze avulukilenga ikiye kuzachila? Ngwashinganyeka chize, chakuzeneka kuya mukujiminyina, Ngwashinganyeka etu twapwa tuvosena va kulongesa kanawa vakutamo kutachikiza omwo Ngwatwale hano. Chuma chochimwe chili na kusoloka na lelo.

⁷⁶ Paulu, mukuhona kutachikiza, apwile vene wamangana kaha wautongwe, wautongwe chikuma kuhambakana vaze vaka Ngalileya vakuzeneka kutanga vaze apwile na kuyanjsanga, vaze vapwile vakulikehesa lyehi vamutambwile ou lunga nge Mwata. Oloze, Paulu, mukutangisa chenye chachinene na mukutanga chenye, kahashile kwitavila Chizeko. Kaha ocho kwalumuka kana chapwile kuli ikiye, mujila yenye. Kaha ikiye vamuvetele upuputa, mangana ahone kuzata kutuma chenye, oloze apwile wa kutwaminyina nakutwala kumukombwela vavuluka ngwavo Wakwoloka, kaha kuzuvo ya umwe.

⁷⁷ Kaha kwejile kapolofweto kwiza kuze, wa lijina lya Anayiya, uze amwene muchimweno, ikiye ali na kwiza, kumona noho apwile, ayile kuze apwile ikiye, kaha engilile muze. Kaha ngwenyi, “Ndumbu walunga Saulu, uze Mwata alisololanga kuli ove mujila wezanga; nangutumu yami, nge nguhake mavoko ami hali ove, kaha ove nautambula kumona chove kaha mupwa wakuzala na Shipilitu Wajila.”

⁷⁸ Talenu okwo apwile ikiye. Chuma kana—chuma kana omwo chapwile na Paulu! Talenu? Vyosena vize ikiye vamulongesele kulinga vyalumukile. Shikaho jino, na—na kutanga chosena chize ikiye apwilenga nacho, echi—echi chejile na kupwa chamokomoko kuli ikiye.

⁷⁹ Jino, ikiye atachikijile nge ikiye ahitamo lyehi. Shikaho hano nawa hakiko hali kulinangula chikwavo chayetu, nge, kuhitamo lyehi ukawacho kacheshi chakutamoko. Echi chatele kupwa kuhitamo lyehi kutesekesa na Lizu lya Mwata. Shikaho, ikiye kumona echi, kaha kutachikiza nge Echi chapwile

Chumachimwe chachinene, jino, nge kala muthu umwe na tambula Echi kuyima ya ikiye, ikiye ambachile myaka yitatu na tukweji sikisi kupwa muze—muze mulikundu mu Alivya; kuhanjika na—na Mbimbiliya, nge Omu yapwilenga, kuze ku Tesitamende ya Mwaka, na kuya kuze, na—na kupezelesa kuhitamo lyehi chize ikiye apwilenga nacho, kaha na kumona nge Chize chapwilenaga Chisoneka.

⁸⁰ Jino kachi ikiye ngwenyi, “Chamwaza, Ngwashinganyeka chize chapwile kaha kuhuhwa chapeho,” kaha himwaliyilanga kwenyi? “Ngwa—Yami nanguya nakukavangiza kutanga chami”?

⁸¹ Jino, ikiye ejile na kupwa wakukashiwa ku chuma chimwe, funge. Shikaho hanyima ya kupezelesa chize, kaha kumona, shikaho ikiye asonekele uze Mukanda wa Hepelewu, muchifwanyisa. Talenu? Myaka yitatu na chimbwa kuze, kusavala mu Lizu, kaha kuwana nge uze vene Kalunga amusayikile ikiye apwile na kumukindulwisa cheka, kaha na kwalumuna kutanga chenyi chosena, kwalumuna vyosena vize apwilenga na kushinganyeka, vyosena vize ikiye vamulongeselele kupwa. Kujina chenyi chosena, vachihunjilemo na kuchifumisamo muli ikiye, kaha ikiye ejile na kupwa funge. Ize zangi ya Kalunga yinapunga ya mwaza chikuma, kaha chize—chize kusoloka, chize ikiye keshi kuhasa kufumako kuli Chize.

⁸² Chize chikiko kuhitamo lyehi cha mukakufwelela wamwenemwene uze eji kuliwanga na Kalunga. Ove—ove twaya uli wane na Chumachimwe chachinene chikuma, chize ove . . . chize—chize ove wizenga nakupwa—funge, kuvyuma vyosena. Talenu? Ove—ove fuma kuvyuma vyosena, na kulikasa ove lyavene kuli Echi.

⁸³ Echi vachisolwesele lwola lumwe kuze Yesu ahanjikile, “Uze Wangana wa Melu uli nge muthu mwalanda jipela. Kahajino omwo ikiye mwawana ize pela yayinene, ikiye mwananjisa vyosena vize ikiye ali navyo, na kutambula ize Imwe.”

⁸⁴ Kaha mukiko chili na hano. Ove—ove uli na kwivushisa cha kutanga, ove uli na—na—na kuhitamo chakutanga chautu; olozo omwo lwola nalwiza luze omwo ove—ove—ove nauwana vene Chuma chamwenemwene, ove—ove lanjisa kala vyosena, kaha lisokele ove lyavene muli Chize.

⁸⁵ Paulu atachikijile chize chapwile chuma muka. Ikiye—ikiye awanyine nge ikiye vamukashile ku Chumachimwe. Nge omu etu na—na—na kutukasa chimbulu, ku—mangana akeke chumachimwe. Kaha Paulu atachikijile, hanyima ya kuhitamo lyehi, na myaka yitatu na chimbwa cha kusoneka chize—chize kuhitamo lyehi chize apwile nacho, na ize Mbimbiliya, ikiye avezukile nge Kalunga na musakula ikiye kaha na kumukasa ikiye na Shipilitu Wajila, chize kuhitamo lyehi apwilenga nacho,

kukoka Mujimbu wamwaza kumeso ava Kamafuchi eka na eka. Uze Shipilitu, Lyavene, ikiye amukashile.

⁸⁶ Kaha, lelo, nge vangamba ja Kulishitu, etu tunapu vakukashiwa, vakulova. Etu katweshi kuya ko. Etu vanatukulika hamwe Nechi, kukashiwa ku Lizu. Numbatuthu kala weshowo muthu mwahanjika, ove uli wakukashiwa kuli Chize. Kuli chumachimwe hali Echi, nge kaweshi kuhasa kufuma kuli Chizeko. Ove vana kuhake mukuli yimwe na Nechi, kuli Shipilitu Wajila, ikiye na kukachila ku Lizu. Numbatuthu kala weshowo mwahanjika, Ili Lizu. Chize chapwa lwola lwosena cha kukashiwa na Chize, kukuhaka mukuli Nacho. Ku Lizu, kuli Shipilitu, ikiye apwile wakukashiwa.

⁸⁷ Ikiye apwile wakukulinangula ha ize—ize sali yayima ya kuze kupambo ya Alivya. Omwo, vyuma vyosena vya kunyima, na kuhitamo lyehi, na kujina, chize, ikiye chize vamuzulile na vyosena.

⁸⁸ Jino, chize chikiko etu tunawane, lelo, nge etu twatela kupwa va kuzula, chatete. Kaha vathu kavazanga kupwa vakuzula ko. Uze ndumbu walunga wa Mesodisiti atonda kukwachilila ku chachindende chize cha kutangisa cha Mesodisiti. Hu-huu. Uze ndumbu walunga wa Mbaputishiti atonda kukwachilila ku chachindende chize cha kutangisa cha Mbaputishiti. Talenu? Oloze ove watela vene kupwa wa kuzula kuvyuma vyosena, na kupwa wakusemuka chachihya, cheka nawa. Kaha mbata kufuma haze, echa Shipilitu Wajila atwaminyine. Ove kaweshi kuhanjika, “Chamwaza, jino, yami—yami tata ngwenyi, omwo ikiye engilile, ayile muliuka, ikiye alimenekele mumavoko na pashita. Ikiye, ikiye ali membala wakwononoka.” Chize chinahase kupwa chosena chakwoloka kupwa kumuyachi wenyi, oloze etu tuli va muyachi ukwavo. Talenu? Jino etu twatela kwiza nakukinduluka kulwola lwa Mbimbiliya va likumbi lino.

⁸⁹ Vaze tupilishitu vapwile vakukashiwa, nawa. Oloze, mwamono, vakiko vejile nakwingila muchisemunwino chikwavo, kaha vakiko—vakiko vahonene kuzula nakufumisa kukashiwa chavo cha mwaka na kuhaka ho kukashiwa chachihya.

⁹⁰ Kaha chuma chochimwe etu tunawane lelo. Etu netu tuneza na kuhichila muchisemunuino chachikungulwilo, nge omu etu twachinjikizanga muvisemunuino cha mauka, na Mbimbiliya, na vya ngocho, oloze etu tuneza jino kuchisemunuino cha kukasunuka, kuze Shipilitu Wajila Ivane kwiza na kwinjikiza Ivane, na kulilingisa Ivane kumutachikiza, kulinga lushiko lwosena luze Ikiye ashikile, kwiza na kuhita. Mamalelo, yami! Chuma cha lwola kana kutohwa!

⁹¹ Kaha ikiye atachikijile chize, chuma chikwavo, ikiye atachikijile keshi kuhasa kuya kuvihela ko, chize, cha kupwa cha kukashiwa kuli Echi, nge ikiye keshi kuhasa

ko... nge muze alingile, oloze ikiye atondele kuyako. Ikiye atachikijile nge kujina chenye chamukokele ikiye mukachi ka vandumbwenyi kuze vamusanyikile ikiye kwiza, oloze ikiye apwile wakushindakanya mu Shipilitu kulinga kala chuma chosena. Ikiye kapwile iveneko.

⁹² Pamo muthu umwe mwahasa kuhanjika, “Ndumbu walunga Saulu, Ndumbu walunga Paulu, etu twakutondo wezenga kuno, mwomwo etu tukwechi liuka lyalinene. Etu tukwechi chikungulwilo chachinene. Ove wana wakulisakwila naupwa waunene, na vya ngocho.”

⁹³ Oloze kupwa wa kushindakana mu Shipilitu, ikiye ashinganyekele, “Ngukwechi ndumbu walunga hano. Nguli nakutonda kuyako na kulwila ou ndumbu walunga, nakumutwala ikiye kuli Mwata.” Oloze, ikiye, uze Shipilitu amushindakanyine ikiye kuya kumwe. Ikiye apwile funge. Chakwoloka.

⁹⁴ Ove Kalunga, tulingise kupwa va funge nge ngana, kutufumisa kulwiso lwa kujina chetu, na kutufumisa kuchiyulo chetu na kujijila jetu ja kushinganyeka mwamwaza, kupwa funge ya Yesu Kulishitu. Ngwashingtonyeka ize yapwile hanjikiso yayinene, ize, “Yami funge ya Yesu Kulishitu.”

⁹⁵ Kaha anuka, Ikiye apwile Lizu. Talenu? Numbatuthu kala muthu mwashinganyeka ngachilihi, eli lili Lizu. Talenu? Kachi ove uli funge ku Lizu, kakweshi chikungulwilo chinahase kukushingisa ove kufuma kuli Chize ko. Lize—lili lize Lizu. Ove uli kaha... Ove uli funge kuli Chize, mukiko kaha. Ove watela kulinga mujila Ize lyeji kulinganga.

⁹⁶ Jino, ikiye kahashile kuya kuvihela vimwe ko vize ikiye atondele, mwomwo (ika?) uze Shipilitu amukanyishilenga ikiye. Ove anuka, lwola lwaluvulu, luze Paulu apwilenga nakweseka na kuyanga kuvihela vimwe, kushinganyeka, “Kuze kukiko Ngunahase kupwa na kuliwana cha chinene,” oloze uze Shipilitu amukanyishilenga ikiye. Jino, chize chapwilenga vene hatoma kuvuluka na kwinjikiza nge Paulu apwile funge? [Chikungulwilo ngwacho, “Amena.”—Muka.] Funge kuli Yesu Kulishitu, kukashiwa ku Lizu Lyenyi, ha Shipilitu Yenyi! Mamalelo! Ngwazanga ngachize. Hu-huu.

⁹⁷ Ikiye apwile wakukasa. Ikiye apwile wakukasa na lilenge, na malenge a zangi, kulinga mwaya muchima wa Kalunga, chize kunahu. Ikiye apwile funge. Ikiye apwile mu malenge a zangi. Ikiye apwile mukhuli na Kulishitu. Ikiye kahashile kupwa mukhuli na chuma chekako. Ikiye apwile mukuli na Ikiye. Kaha kuze atwaminyinenga kukiko ayilenga, kuze kukiko ikiye ahashilenga kuya. Chipwetuthu kwasolokelenga mwila wamwaza ngachilihi, kuno kusali *ino* mokomoko *ize* sali, ikiye ahashilenga kuya jila yize Twamina nakhuli oku yayilenga.

⁹⁸ Mamalelo, ufuku uno, kachi etu, nge Mbalaka ya Branham, natuhasa kupwa kaha va funge; kulwiso lwetu vavene, ku kujina chetu, nge etu tunahase kulyecha mwosena etuvavene na kupwa mukhuli na Ikiye. Numbatuthu kaye kosena nakashinganyeka ngachilihi, kala mwosena kaye nakalinga, etu tunakashiwa na malenge a zangi, etu tuli va funge. “Mahinji ami ali mukhuli na Kulishitu, kaweshi kukina. Meso ami ali mukhuli na Kulishitu, palanga nomu Nguli, omwo Ngwamonanga ava vakutona va vakuvwala mwausunda muze mujila, Chize chalumunanga mutwe wami. Yami—muchima wami uli mukhuli na zangi na Ikiye, palanga Kangweshi na zangi ya kano kaye ko, cheka nawako. Punga yami ili mukhuli na Ikiye, palanga Kangweshi chipwe kutachikiza jino kujina chami chika. Shina, ‘Kwosena Ove mutwaminyina, Nangukavangiza, Mwata.’ Nangupwa ngu funge.” Talenu?

⁹⁹ Paulu apwile vene funge. Ikiye kapwile na kulinga hanjikiso ya kuhenga ko. Ikiye apwile wa kulongesa kuli Shipilitu Wajila, cheka, kuvandamina ha Lizu. Jino, ikiye apwile wa kulongesa jila yimwe kaha, oloze—oloze Kalunga amulungesele jila yikwavo nawa. Ikiye apwile wa kulongesa kuli Shipilitu Wajila kuvandamina hali Mwata, numbatuthu kujina chenyi chapwile ngachilihi.

¹⁰⁰ Jino Yami nanguya na, ha kukafwa cha Shipilitu Wajila, kumilwekesa enu chuma chimwe. Talenu? Jino echa tumbate chuma chimwe.

¹⁰¹ Likumbi limwe, Paulu na Shilashi, kwiza na kushikumuka mujila yimwe mumbongi yimwe kuze vakiko vapwile na kupwa na kuhizumuka. Kaha kakandende, kanyike wapwevo wakuhetwa kuva ndemone atwalileho kumukavangiza ikiye, kutambakana na kuvilika hali ikiye. Kaha kukakasana chauchi oloze Paulu atachikijile nge apwilenga na ngolo, hakupwa kapositolo, kutenukila uze shipilitu wamupi kumufumisa muli uze pwevo. Oloze enu tachikizenu? Ikiye avandamine, likumbi hi likumbi, palanga, kukasumuka, uze Shipilitu Wajila kuhanjika kuli ikiye, ngwenyi, “Elu lukiko lwola.”

¹⁰² Kahajino ikiye ngwenyi, “Ove shipilitu, lovoka muli ikiye.” Talenu? Ikiye atachikijile mwakuvandamina hali uze Mwata.

¹⁰³ Kaha haze hakiko vathu vavavulu lelo veji kunehanga kusauka ha Lizu. Vakiko veji kuyanga na kujina chavo. Mapapa akuhizumuka angahi anasale kulu mwomwo ya chuma chimwe nge ngana, mwomwo muka kwambulula mujimbu wamwaza keshi kuvandamina amone omwo Mwata mwaya nakuhanjika! Vamwe muli vakiko ngwavo, “Twaya kuno,” kaha vakiko—vakiko jino hinavayanga mwomwo lize—lize lizavu ngwalyo, “Yako.” Kaha uze Shipilitu Wajila mwaya nakuhanjika vyuma vyimwe vya kulimbalaka. Ohonyi, kujina cha muthu kupwa mukulwane walifuchi, mokomoko—mokomoko chuma chimwe

chikwavo, mokomoko mukulwane umwe, mokomoko mbishopu, mokomoko chuma chimwe na—na chimukoka ikiye, “Ove watela kuya.” Kaha, ohonyi, ikiye atachikiza kanawa. Uze Shipilitu Wajila kuhanjika, “Yako *hano*.” Talenu? Ikiye wakukashiwa kulizavu lyenyi. Ikiye ali funge kulizavu.

¹⁰⁴ Oloze kachi ikiye ali wakukashiwa kuli Kulishitu, ikiye ali waktwaminyina kuli Shipilitu Wajila. Ikiye...?... Talenu? Ikiye, ikiye ali wakukashiwa, funge. Kacheshi kuneha chihandwa na kala chuma chimwe na chihanjika ko; chili—chili nge—chili nge—nge chikungo chakuvuma kaha chifwoyo chakuhumuna kaha. Ikiye mwevwa kaha Lizu Iya Kalunga, kaha ikiye mwahanjika kaha chize nachilovoka muli Chize. Ikiye keshi kahanjika nachuma chimweko.

¹⁰⁵ Muthu umwe ngwenyi, “Mamalelo, mamalelo, Ndumbu walunga Jones!” Mokomoko, kuli, Ndumbu walunga Roberts, mokomoko vamwe, ava malunga vamwe vavanene mulifuchi lyetu lelo, nge Tommy Hicks, mokomoko—mokokoko—mokokoko Oral Roberts, mokomoko—mokokoko Ndumbu walunga Tommy Osborn, ava vamwe vavanene vaka kwambulula mujimbu wamwaza. Kachi muthu umwe mwamba ngwenyi, “Ngwenyi, twaya hano kuno, Tommy. Ove uli muthu wamunene wa Kalunga.” (Mokomoko Oral.) “Kaha Ngu—Ngukwechi nge—nge nathu uze hali haze, chize—chize chili chosena kukashiwa. Kaha ikiye—ikiye ali wakuviza. Ngwakutonda ove wizenga kuno. Ngwafwelela ove uli na ngolo ja kumuka ikiye.” Talenu?

Kaha pamo uze Shipilitu Wajila mwahasa kuhanjika kuli ikiye, “Keshi holyapwa ko.”

¹⁰⁶ Oloze, ohonyi, kuli masepa ja uze muthu, ikiye ali wakukashiwa kuya na ikiye. Kachi nge ikiye mwahona, ikiye mweza na kupwa mukakole yauze muthu. Uze muthu ngwenyi, “Chamwaza, ikiye ayile kuli *ngaji-na-ngaji*, kuka uze mwana mokomoko uze kanyike walunga. Ngunatachikiza ikiye achilingile. Kaha Ngunapunga sepa lyenyi, myaka yayivulu, talenu, kaha ikiye kate kwiza kuchihela chami.”

¹⁰⁷ Oloze kachi ikiye navamukanyisa kuli Shipilitu Wajila kuhona kuya, ikiye katela kuya ko, kachi nge ikiye ali wakukashiwa kuli Kalunga. Sepa lyenyi, uze azanga. Oloze ikiye atela kukavangiza omu mwamutwaminyina Shipilitu Wajila na kuya kuze, mwomwo chize kasheshi kumulingila mwamwaza ko, mukala jila. Ngwahitamo lyehi muli chize lwola lwaluwulu.

¹⁰⁸ Oloze Paulu avandaminyine hali Shipilitu kumulweka ikiye mwakulingila. “Vandamina hali Shipilitu,” ngwenyi. Ikiye emanyine ufuku umwe, kunangula. Kaha ikiye tambukile na kuya kuze. Ikiye amwene muthu wachitonji. Kaha vosena hamwe, ize Shipilitu ya hanjikile kuli ikiye, kaha ikiye ngwenyi, “Ngwashinganyeka...” Ngachilihi? Ize jila yoyimwe ikiye ashinganyekele nge vakiko navaya na kupwa vakuhokojoka,

hali lize litungu. Talenu? “Ngwashinganyeka nge ove uli na lufwelelo lwa kuhinduka. Imana ha mahinji ove. Yesu Kulishitu akulingishile ove kupwa wakuyoya.” Talenu? Haze hakiko jino. Ikiye—ikiye apwile. . . Ikiye apwile wakukashiwa. Ikiye pamo apwile kutanga cha kuhizumuka muli mulungu umwe kaha na chuma chasolokele chauchi, oloze ikiye avandaminyine hali uze Shipilitu Wajila kuhanjika. Talenu? Ikiye apwile wakukashiwa kuli chize kukoka.

¹⁰⁹ Jino ove ngwove, “Ndumbu walunga Branham, ove uli na kupayisa vize wahanjikile lya Sondo, hali ove kuvandamina lwola lwosena.”

¹¹⁰ Kaha, oloze, ove anuka, uze apwile Shipilitu Wajila ahanjikile kuli yami kuze muze mujila, kaha ngwenyi, “Yami nanguya na kukutuma mukachi kava kakukola na kakuyanda.” Talenu? Chili kwononoka kuli Shiplitu Wajila. Punduvene. Kangwayile ko palanga nomu Ikiye angulwekele yami kuchilinga chize. Ngwapwile na kuvandamina hali MUKIKO MWANAMBE MWATA, palanga nomu Ngwatambulanga MUKIKO MWANAMBE MWATA. Jino, chize chinapu cha kulimbalaka. Talenu? Jino, Echi, Chikiko chinanehe kuhandunuka. Eyo.

¹¹¹ Ikiye avandaminyine ha Lizu lya Mwata. Ikiye apwile wakushindakanya muli Shipilitu, kulinga chuma cheka ko shina chakufuma kuli Kalunga, kahajino ikiye ejile na kupwa funge ya Yesu Kulishitu. Masepa, kachi etu natuhasa kupwa vafunge!

¹¹² Ngunatachikiza kuli kwakuzuma. Oloze Ngwa—Ngwakitonda kuvuluka lijina hali vathu vavavulu, Kachi enu munahase. Ngukwechi sikisi mokomoko eyiti akusoneka hano. Oloze Ngwa—Ngwakitonda kuvuluka umwe mukwavo mokomoko vavali.

¹¹³ Echa tumbate vilinga vya Mose. Ikiye asemukile mukakusokola. Kaha ikiye—ikiye—ikiye atachikijile chize, nge ikiye asemukile kupwa mukakusokola.

¹¹⁴ Oloze shimbu kanda Nguhanjike hali Mose, Ngulinakutonda kuhanjika hanjikiso eyi, chize, Kalunga lwola lwosena nahase kumbata kala muthu, chize nachiya na kumuzachila Ikiye mumuchano, na kupwa funge Yenji. Kaha muthu atela kuhana kujina chenye chosena akwechi, vyuma vyosena vize ikiye ali, vyosena—vyosena vyuma, chiyoyelo chenye, mwono, mujimba, kufwila, kujina, kaha vyuma vyosena kala, na kwiza na kukumisa, nge funge ya Kulishitu, Hiya Lizu, kuzachila Kalunga.

¹¹⁵ Ove unahase kutambuka mwakulimbalaka na chinyulo chambwende. Pamo, muli kala lizavu, ove unahase kushinganyeka nge vakiko vanahase kukuzundula ove helu nakuku hana ove chuma chimwe chachinene, chize ove unahase kumunyika. Oloze ika naulinga ove kuliwana ove lyavene?

Ove nauwana ovelyavene vanakuhonesa, hanyima chindende, palanga Kalunga nomu mwawana muthu uze ali na kufwila kupwa funge kuli Ikiye.

¹¹⁶ Kalunga ali nakutala tala va funge. Ikiye lwola lwosena eji kuchilinganga chize. Ove unahase kuchitonda chize kuhita mu Chisoneka. Muthu atela kupwa funge ya Kulishitu, kuhambakana kalachuma. Shikangaho, ove kaweshi kulinunga na kala chumako shina Kulishitu; numbatuthu iso yove, noko yove, ndumbwovo walunga, ndumbwove wa pwevo, lunga lyove, pwevo lyove, kala muthu. Ove vakununga kaha na Kulishitu, kaha Ikiye kaha, kahajino Kalunga mwakuzachisa ove. Palanga jinonyi, ove kaweshiko.

¹¹⁷ Kuya nakulovoka, lwola lumwe kuhanjika mwakukukola ku vathu. Talenu? Nguli—Ngulinakweseka kuvatula na kumizeyesa. Ove watela kupwa nachihela chakuputukila, nge lwola lumwe nge kuvuluka ha mapwevo kuteula jikambu na kuvwala evi vyuma vimwe vya kuvwala, na kukwachilila na kulama kulivuluka Vakakulishitu. Kuhanjika, “Chize chuma chachindende.” Chamwaza, ove watela kuputuka kumwe. Shikaho putuka hazevenyi, na ABC’s. Talenu? Nakuvatula kusoloka cha kaye, mukala jila, na kwiza nakupwa funge ya Kulishitu. Kahajino twalilaho kaha kuya, kuvatula na kuzeyesa vyuma vyosena, palanga makumishilo na mufunda wamakumishilo naupwa wa kuvatulu na kuuzeyesa. Kahajino uli na—uli na—naupwa funge jino, ove nawiza nakupwa mu kukafwa Chenyi, Ikiye—Ikiye nakukwate ove mu kukafwa Chenyi.

¹¹⁸ Jino, Mose atachikijile nge ikiye asemukile mukakulwila. Ikiye atachikijile chize. Kaha ove unatachikiza, na kujina chize Mose apwile nacho; kutachikiza naye nge amulwekele ikiye hali chize, nge omu apwile mukaku mwamwisa.

¹¹⁹ Kukakasana chiku, omwo Mose uze kamba wamundende omu asemukile, uze naye ngwenyi, “Ove tachikiza, Mose, omwo . . . Tata yove, Amram, na Yami twalombele chikuma. Etu twatachikijile, na kumona mu Lizu, nge lwapwile lwola lwa kwiza muka kusokola. Kaha etu twalombele, ‘Mwata Kalunga, etu twatondo kumona uze mukakusokola.’ Ufuku umwe, uze Mwata atulwekele etu, mu chimweno, nge ove nauka semuka, kaha ove naukapwa mukakusokola. Etu katwapwile na womako ha lushimbi lwa mwangana ko. Etu katwazakamine vyose mwangana ahanjikile. Kahajino, etu twatachikijile ngwetu ove wasemukile muka kusokola. Jino, Mose, etu twatachikijile nge etu katweshi kuhasa kukukulisa ove kanawa ko.”

¹²⁰ Jino anuka, vakiko vapwilenga muze, myaka fwo handulendi mu Ejipitu. Talenu?

¹²¹ “Kaha etu—etu twatondele kukuhana ove chize—chize chakwoloka, kutanga chakwoloka, longeso yambwende.

Shikaho, Ngwakumbachile ove nakukuhaka ove mukachikasha kakandende, kaha nakukuhaka ove muliuze kalwiji Nile. Kaha omu chapwile chakulikomokela, nge uze muta wambachile kaze kachikasha kakandende kukatwala mumahongo na mumihongi, na kukaneha vene kuze, kwakamwihi chindende, na kwalumuka na kukatwala na kunganda ya Fwalo, kuze kwapwile. . . mwana wapwevo wa Fwalo, kuze apwilenga na kusanyinanga. Kaha omu chize—chize Ngwatachijikile nge chatondekele pwevo kukukulisa ove.”

¹²² Kaha mumakumbi aze, eyo vene, vakiko kavapwile na mitumwa eyi tuli nayoko ya lelesa nacho va kamba, shikaho atelele kupwa na—na mukakwamwisa. Shikaho. . .

¹²³ “Kaha, Miriam, Ngwamutumine ikiye aye kuze. Kaha ikiye emanyine kuze, kaha ikiye ngwenyi, ‘Ngunatachikiza okwo Ngunahase kuwana mukakwamwisa,’ kaha ikiye ejile nakungumbata yami. Kaha, Mose, vikolo vyosena vili vya kusoka. Ove uchi wami, ove uli na myaka sikisiteni yakusemuka jino, kaha ove muya nakupwa mwana Fwalo. Kaha likumbi limwe naukaya na kupwa mukakusokola uze mwakaya nakumbata vathu nakuvafumisa muno.”

¹²⁴ Mose’ kujina chenyi chaputukile kukula. “Nanguya na kulinangula, mama. Nanguya na kulingula vyosena Nangukaha. Ove unejiva omu Nangukaya nakulinga? Nangukalinangula omu mwakupwila muthu wa liswalale, kaha Nangukatachikiza omu mwakumbachila ava vathu nakualovolamo muno. Nangukapwa mukulwane wamaswalale wamunene, mbishopu, shikaho Nanguya na kutachikiza mwakuchilingila. Kaha Nanguya—Nanguya na kuvambatamo. Nanguya na kutambula Ph.D yami mokomoko LL. Nangu—Nanguya na kuchilinga echi.”

¹²⁵ Nge “Tata Chiniquy,” kachi watanga lyehi mikanda yenyi. Chosena chakwoloka. Ikiye “mwaya na kusokola vakakulikanga kukulifukula cha katolika,” enu munejiva, kaha ikiye ejile na kupwa umwe, lyavene. Shikaho, ou kapilishitu wamunene, myaka yakunyima, “Tata Chiniquy,” enu mwatele kumbata mukanda wenyi na kutangamo. Vakiko vamuvuluka ikiye, “tata.” Ikiye apwa kaha ndumbu walunga Chiniquy, mwose omwo apwilenga. Etu katwavuluka muthu kupwa “tata,” nge ngachize. Shikaho etu twawane nge—nge etu. . . Ikiye apwilenga na kutanga Mbimbiliya, shikaho ikiye afuminemo muze na kukana kulifukula cha vakakulikanga kukatolika na kuvalingisa vosena kupwa Katolika. Kaha omu ikiye ayile na kutanga Mbimbiliya, uze Shipilitu Wajila ejile hali ikiye, kaha ikiye atambwile uze Shipilitu wajila, Kahajino—jinonyi ikiye himwapwa umwe wavo.

¹²⁶ Shikaho jino tachikizenu echi, uze Mose atambwile chize kuli longesa chosena. Mwomwo, ikiye—ikiye atachikijile.

Ikiye apwile wautongwe chikuma, wakulinangula chikuma, wakutanga chikuma! Palanga, kakwapwile naumweko. . . Ikiye ahashilenga na kunangula va Ejipitu. Palanga, ikiye ahashilenga kunangulanga vaze vavo va kakutanga omu apwa muthu. Ikiye kahashile kutangisa vyavo—vyavo vya ukulwane wamaswalale vize ahashile. Ikiye apwile muthu wamunene. Kaha vathu vamwivwile woma Mose, mwomwo wa unene wenyi. Mamalelo, mukakutanga muka wakufwana nge ikiye! Mamayami! Ikiye apwile mukulwane wama mbishopu, mokomoko pamo nge Popu. Ikiye apwile umwe wamunene. Kaha ikiye apwile nge—nge—nge chindume cha lunga. Kaha ikiye atachikijile nge asemukile kulinga chuma echi, kaha alilongesele, na kujina chachinene, kulinga chize.

¹²⁷ Chochimwe nge lelo. Kangwahanjikile nge vathu, kulilongesa chili mumashikola, Kangwahanjikile ngachizeko. . . Nge vakiko vali, vanalovoka kuno ku mulauko, jino, vakiko valinakuya na kutunga shikola ya kutangishila vyauthu ya kuheta kujimbonga ja ku handulendi na fifite miliyone ya mandola, talenu, Pendekosita, handu-. . . handulendi na fifite miliyoni mandola ya shikola. Kuli yami, ize yatela kupwa ya mamishonali muwande. Talenu? Talenu? Talenu? Oloze, kalachuma, vakiko veji kulinganga ika omwo vakiko vejile kufumanga kuze? Vakiko vali vey? Mukuta wa Rickeys. Mukiko vene. Kaha jino muze mukiko vakiko vejile nakupwa. Chize lwola lwosena mukiko chapwilenga, mukiko vosena, kaha vapwile vosena mumukana woumwe. Talenu?

¹²⁸ Jino etu tunawane nge, chize, omwo, Mose, mukulilongesa chenye chosena, na lelo, na mukulilongesa, na kutunga mambishopu vavanene na vyangochu, uze wamunene, kujina chachinene, ika etu natuya nakulinga? Kujina chetu cheji kwizanga chochimwe nge chize Mose apwile. Talenu?

¹²⁹ Kalunga, shimbu kanda ambate muthu na kumuhaka mulivoko Lyenyi, Ikiye atele kumuzula ikiye chize kujina chenye. Ikiye atela kumuzula ikiye kulilongesa chenye chosena.

¹³⁰ Ikiye alingile hananyi lyehi, kaha ikiye avasokwele; ikiye ajihile ka Ejipitu umwe. Kaha ikiye, kaha omwo ikiye alingile chize, ikiye aliwanyine nge apwilenga mwakuhenga. Ikiye kahashile kulinga chizeko. Chize chapwile muli ize jila. Kaha Kalunga apwile amumbachile ikiye na kumutwala muze mulikundu, muze mupambo, ngalila ya mupambo.

¹³¹ Enu monenu, chuma chaungeji, omu vaze vathu, vaze Kalunga akwechi mujimbu navakiko, Ikiye eji kuvatwalanga mupambo.

¹³² Ikiye atwalile Paulu muze mupambo, na kumulongesa ikiye, na kumulweza ikiye nge chize kutohwa cha chimweno chapwile chika, muze mupambo. “Yako mupambo yimwe.” Kaha ikiye

atwamine muze palanga nomu Kalunga amulwekele mwosena ika mwakalinga.

¹³³ Kaha mulwola lwa Mose, Ikiye amutwalile muze mupambo. Amulamine kuze mu myaka fote, na kumuzula ikiye kutanga chauthu chosena na kujina chenyi chosena. Mamalelo, olwo lwola kana, luze ikiye ahashile kutala kunyima na kumona kuhona chenyi. Kaha omu etu, ufuku uno, twatela kulinga chuma chaochimwe, omwo natumona chetu—kujina chetu.

¹³⁴ Tala hakuhanjika ha kuka, kaha tala kachi uze Mwata alingile chuma chimwe hamyaka yayindende kunyima, kuputuka kutungulula kuka vaveji, na vyangocho.

¹³⁵ Vathu vosena, lizavu lyosena, mwomwo Chize kachafumine mu lizavu lyavoko, vakiko vatela kuvawanyina mukakuka. Kaha etu ika tunalingi? Echa tutale hali echi mukatando yayindende. Etu tunalingi chuma chochimwe chize Mose alingile. Etu twayile na kweseka chikuma na kutunga vyakufwana nge chikomwesa. “Ngwanukile musongo. Ngu—Ngu—Ngukwechi manyinga mulivoko lyami,” kaha kutunga chikomwesa. Talenu? Kaha etu ika tukwechi? Vamwe malunga mukukalikiza chachinene, vase vafuminemo na kupwa vitakwa vya wala, vaka kazamuzamu, kaha vaka malijivila. Kaha vakiko vaputukile kufuma kunyima kwosena, muze muchiyulo cha kufwila cha pendekosita, kuhiluka na kutunga mazavu na vyuma cheka. Talenu?

¹³⁶ Ika etu tunalingi? Kujiha umwe ka Ejipitu. Chize chakwoloka. Kaha etu tuneseka. Etu tunachikoko. Etu tunafwete. Etu tunazate, kuya na kulomba na kuliwana ufuku wosena, palanga katweshi chipwe na lizuko. Kaha—kaha tuneseka kutunga chumachimwe, na kuhakako musoji ha chuma chimwe, kaha navyuma vya muyachi ngachize, kaha na kuwana nge chili kuhona kaha. Etu twatondo kukinduluka kunyima muze mupambo. Muzevene. Eyo, mwane. Kupalatata na kukalatata. Ika kuhonena kuvyecha? Chize chikiko watela ove kulinga, talenu, yako kunyima nakuvyecha. Ika, twalingi chuma chochimwe vakiko valingile, chuma chochimwe Mose alingile. Echi kachalingile chuma chimwe chamwazako. Hanyima ya myaka fwote, ikiye aliwanyine lyavene ali funge ku Lizu lya Kalunga. Ika tuli etu nakweseka kulinga?

¹³⁷ Omwo, ize Kisu yayinene yejile nakulovoka, na kusoloka cha vyuma vyavinene vize Kalunga atulwekele etu hali evi: omwo etu twatela kupwa vakusemuka chachihya; kaha omu etu twatela kutambula Shipilitu Wajila; luze lujimiko mu Lijina lya Yesu Kulishitu; na vyuma vyosena evi hano.

¹³⁸ Mwamono, vathu, kachi vathu vatwame na lize Lizu, kupwa vakukashiwa kuli Chize, ika vakiko vanalingi? Vakiko vaputukile na kulikungulula cha vikungulwilo vyavo, vize vyahonene lyehi, kaha vesekele kutunga chuma chimwe chisoloke nge Muchano.

139 Chamwaza nguvatwile haze vene. Talenu? Ngwafwelela punduvene muli na mangana akutamo kutachikiza omu Ngwatwale. Talenu? Oloze, ika, tala ika chize chinalingika. Shinganyeka chize.

140 Ika etu tukwechi, ufuku uno? oloze nge—nge—nge lifuchi na lizala na vathu vanakungulula kaha: vaze veji kukananga Visoneka vya Kalunga; vaze veji kusanyikanga nge—nge chize Chiyoyelo cha Shipilitu Wajila, chize, “Echi chapwile nge—nge kushinganyekela”; hiya mwahona kukana chize chuma changana kwiza muliuka lyavo; kaha vakiko navakukanyisa ove kuvuluka Lizu limwe ha mbuto ya linoka, Kucinga cha haya myaka, na vyuma vize Shipilitu Wajila nasolola na kwinjikiza kupwa Lizu. Ngwatungila chakuhonowesa na chakuhonowesa, kwiza na kwinjikiza kuli yami kupwa kuhenga.

141 Ika vakiko vakwechi? Chize chuma chochimwe Luther apwilenga nacho, na vosena nawa, talenu, kujiha ka Ejipitu. Ika twatela. . . Chapwile chika? Pamo ikiye aputukile umwe muthu kuputuka. . . kwecha kwiva, mokomoko pamo kuyoya mwamuchano kuli puwenyi. Oloze ika watungile kufuma muli ikiye? Membala wa liuka kaha. “Twaya na ulinunge na lizavu lyetu.” Talenu?

142 Uze muthu wakunuka wakufwa hakiko kaha ahashileho kwinyika munwe wenyi, kupwa kuhasa chenyi, cha myaka fwote ya kulilongesa; uze ka Ejipitu wakunuka kusavala haze, napolo kaha wakufwa.

143 Chize chikiko chili mujila yoyimwe na ufuku uno. Chuma chimwe tunahase kwinyikaho, kuli echi kuhizumuka chili kwosena (chivali nakuvuluka), chili kaha mukuta wa liuka wakunuka cha mamembala vaze vahona kutachikiza Kalunga naka Hottentot mwahasa kutachikiza hali Ejipitu ufuku uno. Chakwoloka. Chize, chinahase kuvalweka vakiko hali Lizu lya Kalunga, vakiko ngwavo, “Ngwahona kufwelela Chize.” Kujanjika, “Kangwazakamako kala chuma ove nauhanjika, Kangweshi kufwelela Chizeko.” Talenu? Talenu? Chize hichuma chimwe cha kwinyika kunyima, mwomwo vyosena vyakukoka na kupalatata na vyuma vyosena tukwechi.

144 Pamo etu tunahase kwinyika ku shikola yayinene, oloze ili ya kufwa. Etu tunahase kwinyika ku kulizavu, oloze lili lya kufwa. Lili na kunuka. Chili kaha nge chuma chatete chize etu tunafumisa muli chize. “Nge ngulu mwaya kumajila, na kawa kukusaza chenyi,” omwo etu natukinduluka kunyima. Ka Ejipitu umwe wa kufwa.

145 Kukakasana chauchi oloze muthu umwe ngwenyi, “Mose, chamwaza, ove kaweshi na keke hali vathu ko? Ove vakusanyikile kulinga echi.” Muthuumwe uze atachikijile Mose, kaha ikiye atachikijile apwile wakusanyikila chize. “Kaha Kangweshi. . . Ove unajimbalisa kuvwila vathu keke?”

“Nduma, mwane.”

146 “Chamwaza, mwomwoika ove nahonene kuya, kuze, kulinga *echi*? Kaha unahonene ika kuya kuze, kweseka *echi*? Kaha mwomwoika unahonene ove kuya navakwenu vosena?”

147 Mose apwile ayile wakuzula kuze, palanga nomu ikiye apwile na kuhitamo kuze ku chiputa chakuwema, uze wajimbwile Lizu. “YAMI uze Kalunga ka Apalahama, Yisaka, na Yakova. Kaha Ngunanuka lushiko Lwami. Kaha Ngunasuluka na kwiza nakuvakola vakiko. Yami nangukutuma ove ukachilinge chize.” Muze mukiko chapwile.

148 Ikiye amwene lize Lizu, keshi kujina cha vathu mokomoko kufwila cha vaze vathu ko. Kahajino ika ejile nakupwa? Ikiye kazangile kulimona nava Ejipitu chekako. Ikiye kazangile kulimona nechi chuma chekako. Oloze ikiye ejile na kupwa funge. Amena. Myaka fwote ya kulaha, kumuzula, oloze jino ikiye ejile na kupwa funge, kuze ku chiputa chakuwema, uze chindume Mose na kutanga chenyi chosena. Ize Mbimbiliya ngwayo Mose apwile chindume chalunga mu lizu mokomoko mu vilinga, muze mu Ejipitu.

149 Oloze tala ika uze chindume wakutanga vyauthu alingile Kumeso achize chiputa chakuwema. Ikiye alitavilile kuhona chenyi. Omwo ikiye amwene punga ya mwenemwene ya Kalunga, ikiye alitavilile nge ikiye muka kuhona keshi kuhasako kulinga chize ko. Ohonyi, ikiye apwile wakulongesa mukutanga chauthu chosena chize vatelele kumuhana ikiye, wakulongesa muma shikola avo amwaza. Oloze, ohonyi, ika alingile ikiye omwo ikiye...ize Panda ya Kakahya kwimana muze mu chiputa? Ngwenyi, “Kangweshi chipwe kuhasa kuhanjikako. Uh-huum. Mwata, yami Nguhiya, mangana Nguyenga?” Talenu?

150 “Fumisa sapato yove, Mose. Ngwakutonda kuhanjika nayove. Lizule ove lyavene, na sapato yove. Ove uli—ove uli hamavu cheka. Ngwakutonda kuhanjika nayove.”

151 Kahashile chipwe kuhanjikako. Makumishilo, funge waku sakula, kapolofweto waku sakula, nge omu uze Paulu apwile waku sakula. Mose apwile waku sakula, mukakusokola. Kahajino, makumishilo, Kalunga asakwile na kupwa na mukakwononoka funge kuli Ikiye. Mamalelo, haleluya! Ikiye atambukile kaha nge lize Lizu lya Kalunga lya mutambukishile ikiye. “Hiya Nangukatuma yami kuya?”

“YAMI.”

“Nanguya na Kuchilinga ngachilihi?”

“Yami nangupwa na yove.”

152 “Eyo, Mwata, nge omu unahanjika Ove. Yami uno Hano.” Mamalelo, yami! Uze, ikiye funge.

153 Ikiye ayile mwakulimbalaka na vishinganyeka vyenyi vya mwaza. Jino, ikiye vanamulongesa kulweka maswalale. “Jipoko

jamikwale, kukatuka! Pamo kumeso!” Wakulongesa kuya, “Matemba, osena muchinyulo! Makunga, kulutwe! Wakutala!” Muze mukiko ikiye ayile nakutambula chize. Chize chikiko kulilongesa chenyi.

Oloze ikiye ngwenyi, “Ika na Nguya nakuzachisa?”

Ngwenyi, “Ika ili mulivoko lyove?”

¹⁵⁴ “Mutondo.” Kalunga eji kulinga vyuma vimwe mujila ya kuzeneka kuwaha lwola lwosena, kuvishinganyeka vya vathu. Talenu? Ambachile mutondo mulivoko lyenyi. Najikambu jajisuku jinazezavala. Na myaka eyite ya kusemuka. Puwenyi hali chimbulu; na kema hajitungi jenyi. Wamundende, namavoko akumbwembwela anasukuma na kuzezeleka; mutondo. Mutwe wenyi kaha lwii, mwomwo ikiye apwile na MUKIKO MWANAMBE MWATA. Ika? Ikiye kumakumishilo azamine.

¹⁵⁵ Ikiye apwile funge. “Nanguya kaha na kutambuka omwo Lizu nalingutambukisa yami. Nanguhanjika kaha haze Lizu nalihanjika.”

“Kuli uli na kuya?”

¹⁵⁶ “Ngukwechi kutuma chimwe: kwimana kumeso a Fwalo na kumulwekesa ikiye, nou mutondo, nge Kalunga nangutumumu yami.” Amena.

“Ika nauya nakulinga hanyima ya chize?”

“Ikiye mwaya nakuhana chuma nachishisaho, hanyima yechi Nangulinga.”

¹⁵⁷ Haze jinonyi. Ove uli kaha na chuma chimwe cha kulinga, tambo yatete, ufuku uno: kulihana, kupwa funge. Kanda kulishinganyeka ove lyavene ko mokomoko chuma chimwe. Pwako funge.

¹⁵⁸ Mose ejile na kupwa funge, alitavilile kupwa ikiye nge keshi kuhanjika. Makumishilo, omwo Kalunga amumbachile mulivoko Lyenyi, kuze ikiye atambukile kuvanga Kalunga na mutambukisa ikiye. Kuze, Ikiye amulwekele ikiye Lizu. Ikiye atachikijile lize lyapwile Lizu, kahajino ikiye alihanyine cheka lyavene ku Lizu. Kaha ize Shipilitu Wajila kuze, Kalunga, amukashile Mose ku pungu ya Kalunga.

¹⁵⁹ Chize chuma chochimwe Ikiye alingile Paulu. Chize chakwoloka? [Chikungulwilo ngwacho, “Amena.”—Muka.] Ikiye amukashile Paulu; chindende, muzulu wakuhenga, ka Yuleya wakasautu, mamalelo, na Ph.D. na LL.D. asonokele hali ikiye. Oloze Ikiye ngwenyi, “Yami nanguya nakumulweza ikiye ika ikiye mwaya na kuyanda mwomwo ya hali Lizu.” Talenu? Kaha ikiye. . .

¹⁶⁰ Kaha jino Paulu kutwama haze na kumona lize Lizu, na kumona chize Yesu apwile, jino ikiye azundwile mavoko eyi na

kupwa wa Kashiwa kuli Ikiye. Ize zangi ya Kalunga yamukashile ikiye ku Lizu. “Ikiye ali nakuya na kumbata Lijina Lyami kumeso avakamafuchi eka naeka.” Mukiko muze ikiye ayile.

¹⁶¹ “Mose, YAMI uze Kalunga kavakakuluka jenu. YAMI uze Kalunga ka Apalahama, Isaka, na Yakova. Ngunanuka Ngwavashikile vakiko, kaha lwola lwa lushiko lunapandama. Kaha Ngunamono kuyanda cha vathu Jami. Ngunanuka lushiko Lwami. Kaha Nguneza na kumikasa enu. Munatachikiza muze Lizu lya hanjika. Ngunamikase enu mangana muyenga kuze, enu vanamikase na ngolo, kuya kuze na kusokola vathu Jami. Kaha mbata uze mutondo mulivoko lyove, nge chinjiho, ’mwomwo ove wamwene chikomwesa chalingikile nawo.” Chochomwe nge Ndavichi, na malekenyi. Talenu?

¹⁶² Kukashiwa, livene, na ikiye ayile. Makumishilo, Kalunga apwile na muthu uze apwile wakukwononoka kuli Ikiye, kukashiwa kuli Ikiye, kaha kahashile kutambukako palanga Lizu lya Kalunga nalimutambukisa ikiye. Kachi vathu navahasa kaha kulinga chize, lelo! Kahajino, ikiye apwile funge Yenyi, funge ya zangi, wakukasa na khuli ya zangi, na—na Kalunga, nge Paulu apwile wakukasa na khuli ya zangi ya Kalunga.

¹⁶³ Chochimwe nge Paulu, vosena vavali vakulongesa mujila yoyimwe. Mose wakulongesa, munatachikiza jino, kusokola vana va Isalele na ngolo jauswalale. Paulu vamulongesele kuvambata vakiko na livoko lya ma Loma na kuvalingisa kupwa vakukasunuka, ha kwambulula chakushinjila cha mukaye cha lize likumbi. Mashikola amanene akulongesela, akuneha kuli Gamaliel.

¹⁶⁴ Kaha vosena vavali vayile mupambo, hu—huum; vakindulukile vathu vakuhandunuka. Vosena vavali va mwene Panda ya Kakahya. Kaha vosena vavali vapwile tupolofweto. Chize chakwoloka? [Chikungulwilo ngwacho, “Amena.—Muka.] Vosena vavali, tupolofweto. Kaha vakiko vosena vavali vahanjikile na Panda ya Kakahya, chize chakwoloka vene, kwiza na kupwa mukakusokola. Muze mukiko vapwile; vayile mupambo. Vasele membo avo na kuya mupambo, na kuwana. Vasele vathu javo na vyosena, mangana va kawane pungu ya Kalunga. Talenu?

¹⁶⁵ Vakiko vapwile vakulongesa muli jila yimwe; Kalunga avalumwine vakiko na kupwa veka. Kaha vakiko vejile na kupwa funge vene, kuhona kulinga mujila ize vakiko vatondele kulinga, oloze kulinga mujila ize Kalunga atondele vakiko kulinga. Ikiye ali youmwe zau, nalelo, na haya myaka.

¹⁶⁶ Etu tuli na minyutu yikwavo ya teni hano, ya kulinga evi? [Ndumbu walunga Neville ngwenyi, “Amena.”—Muka,]

¹⁶⁷ Yami nanguya washi washi nakumbata weka nawa. Ngwamono umwe kumeso ami jino. Lijina lyenyi Yosefwa. Ikiye apwile mwana wa kusakula. Ikiye apwile muvwimbimbi

wakukupuka wa Yesu Kulishitu. Ikiye asemukile kapolofweto. Ikiye apwile kapolofweto, nawa. Talenu? Kaha jino ikiye ahashile kumona chimweno. Ohonyi achili kanyike wamundende walunga, ikiye alimwene chimweno cha yavene kutwama ha litanda, kaha vandumbwenyi kunongama kuli ikiye. Talenu? Oloze tala. Ikiye ejile na kupwa... Ikiye alivwile nge ikiye apwile mukweze umwe wangolo. Talenu? Vosena vakiko...

168 Oloze ika Kalunga atelele kulinga? Ikiye na lingi chuma chochimwe chize Ikiye alingile kuli vakiko vosena. Mwomwo, Mose apwile mukakusokola, Paulu apwile mukakusokola, kaha nawa na Yosefwa apwile mukakusokola. Ikiye alwilile vathu jenyi kufuma muzala ya kalombolombo.

169 Ika Kalunga atelele kachi nalingi kuli ikiye? Kumuhaka ikiye mukamenga, kumuhaka ikiye hazevene muze mukamenga. Eyo, mwane. Anuka, ikiye vamulanjishile kuli va ndumbwenyi, kuli vaka Ejipitu. Kaha vakiko vamulanjishile kuli Potiphar. Kaha Potiphar amuhanyine kukasunuka chindende, kaha, chuma chatete watela kutachikiza, chize vachifumishile kuli ikiye. Kaha uze jino natwame muze mukamenga, kulila, kulila. Kalunga amuzulile chize.

170 Jino tachikizenu. Oloze, lwola lwosena, Ngwafwelela, ikiye, muze mukamenga, ikiye ahashile kwanuka chize chimweno chakwamba nge mwakatwama ha litanda, kaha vandumbwenyi navakaya na kunongama kuli ikiye, mwomwo ikiye atachikijile nge wana wenyi wa kufuma kuli Kalunga. Kaha ikiye atachikijile nge chize na chikeza na kusoloka.

171 Kachi etu natulama chize muvishinganyeka vyetu, kaha kutesekesa na Lizu lya Kalunga, nge muno mumakumbi akukuminyina Ikiye mwakaya na kupwa na Liuka, Ikiye mwakaya na kupwa na vathu. Kaha vyuma vize Ikiye ashikile, Ikiye mwakaya na kuvilinga. Ikiye ngwenyi Ikiye mwahasa, kaha etu tuli nakuyoyela mulwola kana. Etu tulihaze. Ikiye ali kaha na kweseka na kutumbata etu nakutulingisa kupwa vafunge vamwenene jino, vakupachikila muli Ikiye.

172 Enu mwewva lyehi uze mwaso wamwaka mwembanga, "Kaha jino Yami wakusokela hamwe na Kalunga"? Ngwaketonda kupwa wakusokela hamwe na Kalunga. Jino, haze hakiko Ngwashinganyekanga hali echi. Kupwa wakusokele hamwe na Kalunga, chuma cheka chauchi, kaha ove nautambuka kuvanga kaha omwo Kalunga mwamba ngwenyi tambuka. Ove mulinga kaha nge omu Kalunga mwamba ngwenyi linga, talenu, kahajino ove uli wakusokele muli Kalunga.

173 Jino anuka, ikiye apwile na kushinganyeka. Ikiye neza na kupwa mukakuhona chikupu, kuli lyavene. Vyosena vize atachikijile, vyosena vize ikiye evwushishile, na vyosena, ikiye ejile na kupwa mukakuhona chikupu. Chize kachazachileko. Ikiye vamuhakile muukalu umwe wakulingisa na muthu

umwe mwahasa kumwivwulila ikiye wauchi. Ikiye apwile funge. Talenu? Ikiye vamuhakile muukalu umwe, uze numba vakuzeneka kufwelela kuhasa kumufwelela nduma. Enu mwamono omwo Ngwatwale? [Chikungulwilo ngwacho, "Amena."—Muka.] Mulimo wenyi kawapwile cheka na ngoloko. Vaze vathu valumwishile mitwe yavo. Vakiko kavahashile kumwivulila ko muze mukamenga. Kaha mulimo wenyi nauwahila halize? Ikiye pamo nahase kwimana haze hajikangalo na kwambulula kuli vakiko; vakiko vatwalileho kutambuka nakuya mujila javo. Talenu? Oloze ikiye ejile na kupwa funge. Kaha Kalunga amulamine ikiye, funge, palanga nomu lize lifumbo lya jingulukile nakuya kulutwe. Ngwenyi, "Uno ali hano muthu wami." Upahu! Mukakuhone chikupu!

¹⁷⁴ Makumishilo, Kalunga ejile kuli ikiye muze mufunge. Nge Paulu, nge omu mukiko vali vosena, Ikiye ejile kuli ikiye. Kaha Ikiye azachishile wana uze Ikiye amuhanyine ikiye, kumufumise ikiye muze. Chize chakwoloka. Ikiye akumufumishile ikiye muufunge wenyi. Ika ikiye alingile? Nge omu Ikiye amufumishile ikiye kumufumisa muufunge, Ikiye apwile vamuhanyine ngolo kuli mwangana, mwangana wenyi, ngana ikiye atwamine kusali, ngana ikiye apwile mwishi. Ikiye vamufumishile muzuvo ya funge na kumuhana ngolo, ku, kalachuma ikiye ahanjikile, chize chasolokele. Amena.

¹⁷⁵ Muze mufunge yenyi, ikiye atwalileho kwanuka, ikiye apwile wakusemukila pungu. Ikiye apwile na kuya na kutwama na mwangana. Vakiko vosena navakaya na kunongama na kufukama kuli ikiye. Chimweno chenyi chamulwekele ikiye ngocho. Amena. Oloze kumeso a chimweno chinahase kupwa vakuzalila mwosena, ikiye atela kwiza na kupwa funge. Amena. Kaha jino ikiye ejile na kupwa mukakuyula. Kaha omwo ikiye ejile nakufuma muzuvo ya ufunge wenyi, kaha ejile na kupwa funge ya Lizu lya Kalunga, ngana nge ikiye nahase kupwa kaha wa kuhanjika ovyo Kalunga ahakile mukanwa kenyi kuhanjika, kaha Kalunga atambukilenga muli ikiye.

¹⁷⁶ Tachikizenu, nge Mose apwile na ngolo ja kukasa va myangana ja Fwalo, ha pungu yenyi. "Kachi ove muhanjika kuli eyi pili, 'Pwako wakututuka.'" Hu-huu, hu-huu. Ikiye apwile na ngolo ja kukasa va myangana ja Fwalo. Chipwetuthu vapwile va kakuzata muliuka, mokomoko tulama, mokomoko chipwetuthu vakiko vapwile va—va kakwimanyinako lifuchi mokomoko mwose omwo vakiko vapwile. Ikiye ngwenyi, "Ngwakukase ove," kaha vakiko vapwile vakukashiwa. Muze mukiko chapwile. Ikiye ahashile kuchilinga mwayile lizu lyenyi, ha kuzanga chenyi. Amena. Upahu kuli Kalunga!

Mamalelo, Ngukwechi kaha minyutu yitatu, shikaho Nangulama lizu lyami.

¹⁷⁷ Jino etu tunawane, nge ikiye—ikiye ejile nakupwa funge kuli Kalunga, kufuma mukupwa funge wa mukaye. Kufuma . . . Paulu, mujila yoyimwe. Kaha Mose, mujila yoyimwe, kufuma mukupwa funge kuvishinganyeka vyenyi, na kupwa funge kuli Kalunga. Kaha omwo ikiye alovekele, ikiye apwile na ngolo ja Kalunga. Kaha omwo ikiye ejile na kupwa Paulu . . . Omwo vize vishinganyeka vya Mose, ikiye avihanyine kuli chize, kaha wakuzula kuli chize, ikiye ejile na kupwa funge ya Lizu lya Kulishitu. Ahashile kutambuka kaha kuli kwosena . . .

Ove ngwovo, “Kulishitu?”

¹⁷⁸ “Ikiye amwene chize kutoleka cha Kulishitu chachinene kuhambakana luheto lwamu Ejipitu.” Shikaho ikiye apwile funge kuli Kulishitu, nge muze apwile Paulu.

¹⁷⁹ Anukenu, vosena vatatu vapwile tupolofweto. Talenu? Kaha vakiko vatelele kulizula chatete kuvishinganyeka vyavo, mangana vezenga na kupwa funge kupunga na kujijila ja Kalunga.

¹⁸⁰ Kahjino etu twatela kwanuka, jino, nge ikiye apwile na ngolo ja kukasa, ha lizu lyenyi. Ikiye apwile na ngolo ja kukasununa, ha lizu lyenyi. Ikiye ahashile kuhanjika, “Ngwakukasununa ove, mulijina lya mwangana wami.” Amena. Fwalo alingishile Yosefwa kupwa mwanenyi walunga.

¹⁸¹ Kulishitu eji kulingisanga Venyi, vafunge va zangi, vana Venyi. Kaha Ikiye eji kuvahananga vakiko ngolo, chuma chochimwe chize Ikiye apwile nacho. Mukakujila Yowano 14:12, “Wose uze mwafwelela muli Yami,” talenu, “milimo ize Ngweji kulinganga na ikiye mwakayilinganga nawa. Kuhambakana neyi ikiye mwakayilinganga.” Jino funge ya zangi ya Kulishitu vejile na kupwa vakuvwika ngolo kuli Mwangana, Ou Kulishitu. Amena. “Kaha chamwenemwene Nangumilweka enu ngwami, kachi enu namuhanjika kuli eyi pili, ‘Pwako wakututuka,’ kaha kukakasana chiku mukachi ka muchima wove, oloze mufwelela nge vize unahanjika navisoloka, ove nauya nakupwa navize ove unahanjika. Kachi enu namutwamanga muli Yami, na Lizu Lyami muli enu; kachi naupwa mutoka ya Yami,” mwomwo Ikiye na Lizu Lyenyi chuma chimwe. “Kukuputuka kwapwile Lizu, kaha Lizu lya pwilenga na Kalunga. Kaha Lizu lya litengelekele kupwa muthu na kutwama mukachi muli etu. Youmwe zau, lelo, na haya myaka! Kachi enu namutwamanga muli Yami,” keshi *mumoko* na *haze*, “twama muli Yami, na Lizu Lyami muli enu; lomba kala ocho enu munafwila, mokomoko hanjika kala ocho enu munafwila, chize navakamilingila cho enu.” Ikiye apwile na ngolo.

¹⁸² Tachikizenu, shimbu kanda aloveke, ikiye vatelele kumumbata na kumuteula. Vyuma vimwe vatelele kuviteula nakuvifumisa shimbu kanda ikiye alihumangane na mwangana wenyi. Talenu?

¹⁸³ Mamalelo, Kalunga lwola lumwe eji kumbatanga vathu Jenyi nakuvalovola ngachize, na kuvateula vyuma vimwe vyavo vyavindende vya kufwila chavo, kuvalwekesa vakiko nge vakiko kaveshi kuhasa kulinga kala chuma vakiko vanazange kulinga. Munatachikiza omu Ngwatwale. Vakiko kaveshi kaha—vakiko kaveshi vakukasunuka kulinga ovyo vakiko vanatondo kulinga. Shimbu kanda vakiko vezenga mungolo jivene na kupwa ndungo wa kuzangi ya Kulishitu, vakiko vatela kuvateula nakuvafumisa kaha numba kuvasolola. Lwola lumwe Ikiye eji kuvambatanga na kuvatwala mupambo, kulinga chize, mangana kuvateula vakiko nakuvafumisa. Kaha jino nakuvaneha vakiko nakuvalovola, umwe wakuwawwisa, kuzalishiwa pungu ize Ikiye avatongolwele vakiko kupwa. Talenu omwo Ngwatwale?

Vandumbwami, etu tuli ku lwola lwa makumishilo.

¹⁸⁴ Anukenu, jiola josena jikwavo, Ikiye omu alingilenga. Ikiye lwola lwosena apwile na kumbatanga muthu na kumulingisa ikiye kupwa funge kuli Ikiye, kukana venyi ivene. Ikiye atela kukana vyosena vize ikiye atachikiza, kuvulyama kulilongesa chenyi chosena, vyosena, mangana atachikize mwaya Punga ya Kalunga, mangana amukavangize Kalunga.

¹⁸⁵ Ikiye keshi kukavangiza kala chuma chize nazange muthu mukwavo eji kulinganga, na Kalunga, lwola lwolumwe. Echi chili chakulimbalaka chikuma, kuli umwe na mukwavo. Ove kaweshi kuhasa kuya kumututuko na kumulauko ha lwola lwolumwe. Ove kaweshi kuhasa kuya kuchilyo na kuchimoswe ha lwola lwolumwe. Ove kaweshi kuhasa kulinga chalwoloka na chakuhenga ha lwola lwolumwe. Ove kaweshi kuhasa kukavangiza muthu na Kalunga ha lwola lwolumwe. Nduma, mwane. Ove kuvanga muhasa kaha kukavangiza Kalunga mokomoko kukavangiza muthu.

¹⁸⁶ Jino, kahajino, kachi ove uli na kukavangiza Kalunga na kupwa wakulihana ovelyavene kuli Kalunga, kahajino ove uneza nakupwa funge kuli uze Kalunga, kuli lize Lizu, kuli ize pungu. Numbatuthu kala chuma chose nachihanjika, ove uneza nakupwa uze—uze funge kuli Chize.

¹⁸⁷ Ivwulilenu. Etu tuli kulwolwa lwa kumakumishilo. Kaha na Nguhanjika echi na kavumbi na kalemesa, nge omu minyutu ya makumishilo eli na kuhita. Tala. Chuma Kalunga, kukujina chami, mwaya na kulinga kaha atela kulinga, kaha mwaya na kulinga mulikumbi eli lya kusongo, kuwana chizachiso chakwahisa. Ikiye atela kuwana chizachiso, mangana kukombesa hamavu. Kala njimi, nge mwaya na kwaha, ikiye atela kupwa na chizachiso chakuzachisa nacho; punduvene, ikiye atela kupwa na chekesi yakuvambuka mokomoko chumachimwe, chizachiso chimwe, chafumisa nacho manona. Kaha chize kwaha chinahi.

188 Kalunga, tumbate mulivoko Lyove. Tuligise kupwa vangamba vakukashiwa kuzangi Yove. Tuzachise etu kupwa chizachiso, kuneha kutachikiza muli awa mavu ashili, a kwangula omu tuli na kuyoyela lelo, nge Yesu Kulishitu ali youmwe zau, lelo, na haya myaka.

189 Mwomwo ami lyavene, Kalunga, echa ngupwenga funge. Kachi vandumbwami vosena navanguchimbuka, kachi masepa jami navanguchimbuka, Ngwakutonda kupwa funge ya Yesu Kulishitu na Lizu Lyenyi, ngana Ngupwenga wakukashiwa ku Lizu Lyenyi, ha ize Shipilitu Wajila, kumona ize Shipilitu Wajila kulingisa lize Lizu Iya Kalunga kupwa Iya kwinjikiza ha chuma chochimwe chize Ikiye nahase kulinga. Ngwakutonda kupwa funge ya Yesu Kulishitu.

Echenu tulombe.

190 Ngwakomoka, ufuku uno, na mitwe yetu yakunongama, kachi chize kufwila chize tuli nacho, ya kupwa chuma chimwe cheka, mokomoko pamo chuma chimwe chize etu pamo natushinganyeka, kupwa na lwisio ha vyuma, ngwakomoka kachi etu natuhasa kaha kutulika chize kusali.

191 Ngwakomoka kachi kanyike walunga umwe hano, ufuku uno, kujinguluka na kutala, kuhanjika, “Yami nanguya na kupwa, omwo Nangukakola, Yami nanguya na kupwa *munganji-munganji* mukananga.” Ngwakomoka kachi ove na wivwa ize punga ya Kalunga kutambuka muchiyoyelo chove, na kuhanjika, “Nduma, nduma. Hu-huu, hu-huu. Ngwa—ngwa... Kujina chami chajimbala jino. Mwomwo makumbi amandene kunyima, uze Shipilitu Wajila nahanjikanga kuli Yami. Ngwa—Ngwa—Ngwa—Ngwakutonda kulihana amilyavene kuli Kalunga, kupwa chizachiso chakuzungwisa cha likunbi Iya lelo.”

192 Vanyike vamwe vwapwevo vaze pamo vapwanga na kujina chakupwa navilinga vyaupwevo vamwaza, mokomoko—mokomoko pamo kupwa vwapwevo vakuhona kusomboka vamwaza, mokomoko pamo likumbi limwe kupwa Hollywood kupwa mulimo wove, Ngwa—Ngwakomoka kachi ove kaweshi na kufwila jino kuhana kujina chove Kumeso a Kalunga na Lizu Lyenyi, kwivwa kusanyika cha Kalunga muchiyoyelo chove. Kalunga atachikiza ove yove hiya.

193 Nanguli komokela kachi nakupwa mukakuzata hakamwihi, mokomoko ngamba, mukamilimo wakumwe muliuka. Nguneza kaha hano, kamwe mulwola. Ngu—Ngunahono kutachikiza chimbwa cha chavathu vana twame hano, ufuku uno, oloze Ngu...ava vavandende vavulivoko vali hano. Nangulikomokele kachi nakupwa muthu wangachize, uze mwapwa nakulisakwila kuhanjika, “Kangwazakama kalachuma umwe mwahanjika. Nguli ndungo ya Kalunga jino. Nguli—Nguli—Ngulinakuya na kutangisa Lizu Lyenyi,

chipwethu ngachilihi. Kangwazakama ika, lyami—lizavu lyami nalinguchimbuka, Yami nanguya lika na kutwama na lize Lizu. Yami—Yami nanguya na kuchilinga echi. Punga yami ili punga ya Kalunga. Punga ya Kalunga ili punga yami. Yami nanguya na kupwa funge kuli Yesu Kulishitu. Ha likoji na kukafwa Chenyi, Nanguya na kuchilinga echi.”

¹⁹⁴ Shinganyeka echi, shimbu etu natupwa namitwe ya kunongama. Vangahi vakwechi echi kujina, ufuku uno? Katula livoko lyove. Lyami nawa, eli. Ngwalihane vyosena. Namitwe yetu yosena yakunongama jino, Chindende jino, nge omu ove uli nakushinganyeka hali echi jino, nge omu mulinakulomba.

Ngwalihane vyosena,
Ngwalihane vyosena,
Vyosena kuli Ove, Mulwilo wami wa kukisula,
Ngwalihane vyosena.

Ngwali- . . .

¹⁹⁵ Ove mukilo unatwale? “Ngwakutonda kupwa funge.

Ngwa . . .

Ngumbate yami, Mwata. Ngumbate yami nakungutwala kuzuvo ya fuli, ufuku uno. Nguhokole yami mwosena, kaha ungutunge yami mwosena cheka . . . ? . . .”

. . . kuli Ove, Mulwilo wami wakukisula,
Ngwalihane vyosena.

¹⁹⁶ Tata wa Mwilu, nge omu mwaso uli na kutwalilaho kwimba, Ngwashingtonyeka echi kupwa changayo hali luno lwola, nge Nangu—Nanguhokoka hali ou mwaso na kuhanjika kuli Ove muka katando kakandende. Shimbu omu vathu vali na kushinganyeka, “Ngwalihane vyosena,” Tata, echa etu tuli echi, nge ngana muli luno lwola lwetu lwa makumishilo kulinga echi. Echa etu twizenga na kushishika, kwiza kumesa ya Mwata, nge omu chapwile, na mahina etu akukosa, myono yetu yakukosa, jipunga jetu jakukosa, kujina chetu chakukosa, mangana tulihane etuvavene.

¹⁹⁷ Kaha echa Kalunga ambate Lizu Lyenyi, kutuhaka mukuli yoyimwe na Nechi, na Lizu lya Kalunga. Kaha echa Shipilitu Wajila atumabte jino, shimbu tuli na kwivwa khuli kuvuma hakamwihi na michima yetu, “Kufuma ufuku uno, Nangukumbata ove ha lizu lyove. Jino kanda kushinganyeka vishinganyeka vyoveko. Shinganyeka vishinganyeka Vyami. Shinganyeka punga Yami. Nangukutwaminyina ove.” Kalunga, atuhane chize nachiya na kupwa kuhitamo lyehi kuli etu vosena.

¹⁹⁸ Ava vathu va vanyike vana twame hano; lunga na pwevo; na vamwe vaze vali nakwiza nakupwa lunga na pwevo. Kuli malunga vakukola vanatwame hano, vaze vakakuzata, vanapunga mujila. Kaha, Mwata, Ndumbu walunga Neville uno hano, Nguli, Ali nakukanduka helu ha ndalo. Makumbi

etu ali akulava jino. Jitambo jetu jili jino jakuzakama chikuma kuhambakana omu etu twajilingile. Etu twatale oho etu natwimana. Etu katweshi vakuzama chikumako, kuhanjika hauthu, nge omu twapwile. Oloze, Mwata, nge omu etu twakumona omu echi chiyoyelo chili nakujimangana, kaha jitambo jetu jimwe kajeshi jakuzama chakuzeneka Ove kutukwata kumavoko etu.

¹⁹⁹ Jino, Kalunga, tumbate etu, echa Ove? Mbata michima yetu na kujina chetu Mulivoko Lyove, kaha echa etu tupwenga vafunge, ufuku uno, ku Lizu, na kuli Kulishitu. Echa etu tuyoye mwaukalunga hano. Echa ava mapwevo, mapwevo vavanyike, ava malunga vavanyike, vanyike vamaalunga na vamaapwevo, kuhana myono yavo, Mwata. Kaha echa kujina chavo chizenga kujina chakuzachila Yesu Kulishitu. Kaha echa etu tupwenga funge ya Ukalunga walikoji na kufwila Chenyi. Tuhanecho echi, Mwata.

²⁰⁰ Omu mukiko Ngunatachikiza kulinga, Mwata. Etu tumazu twatundende twakuhokojoka, kaha Ngunu—Ngunafwelela ngana Ove nauwahaka hanwe, kanawa. Mwomwo, muno munazumu, kaha vathu vathu vanakutonda kwivwilila, oloze munazumu vene. Kaha vavavulu vatela kuya kwimbo na kuya nakulivanga kumilimo. Oloze echa jize jimbuto jatwama mumichima yavo, “funge.”

²⁰¹ Yako kwimbo na kuhanjika kuli pwevo lyove, nge vakiko. . . ’shimbu kanda vakiko valizange kuya na kulomba, musana uno, mokomoko chingoloshi chino, kusali yakahela, kutala kuli umwe na mukwavo, ngwenyi, “Sepa, ngachilihi chize, ufuku uno? Tuneza nakupwa vane vafunge kuli Kulishitu na kukujina Chenyi, mokomoko—mokokoko kulinga etu tweji kuzatanga kuhichila mukujina chetu?”

²⁰² Echa malunga vavanyike na mapwevo vavanyike, kwosena, chikumananyi vaze vanevu Mujimbu, ufuku uno, kuli hula vavene chihula chochimwe, “Yami Nguli nakufwila kwiza na kupwa funge, kukana chiyoyelo chami?”

²⁰³ “Ou mwalwila mwono wenyi mwakaujimbalisa, oloze ou mwajimbalisa mwono wenyi mwomwo hali Yami mwakauwana.” Tata, etu tunatachikiza, ngachize: tuneza nakupwa funge ya Yove, kujimbalisa kujina chetu na kufwila chetu, na kuwana Vyove, kahajino etu tuli na Kuyoya Chahaya myaka. Tuhanecho echi, Mwata.

²⁰⁴ Chuma kaha Ngunatachikiza, shina kuchihana jino kulivoko Lyove. Kaha echa echi chizenga nakupwa chakufukila na kuneha vitwa vyavinene—vyavinene makumbi ano akumakumishilo akwaha, malunga na mapwevo, vanyike vamaalunga na vanyike vamaapwevo, kulihana mwosena kukujina cha Kalunga, na kupwa vafunge ja Kulishitu Yesu, na ku zangi Yeniyi, vakukasa


na jingoji ja Ukalunga ja zangi ya Kulishitu. Etu twachilombo echi mu Lijina Lyenyi.

Ngwalihane mwosena,
Echa twimanenu.

Ngwalihane mwosena,
Vyosena kuli Ove, yami...?...

²⁰⁵ Echa tuhanjike echi cheka nawa, na meso etu akufwika na mavoko etu helu.

Ngunalihane mwosena,
Ngunalihane mwosena,
Vyosena kuli Ove, Mulwilo wami wakukisula,
Ngunalihane mwosena.

²⁰⁶ Jino, kachi etu natuya na kunongama mitwe yetu, kaha shimbu kanda kwimba mwaso wakulimwanga, *wa Mbata Lize Lijina Lya Yesu Na Yove*, Yami nanguya na kuhula ngana—ngana ou ndumbu walunga hano... Ngwavulyama lijina lyenyi. Uze ndumbu wa pwevo ahanjikanga unjiho hali chize chimweno cha milima chili nakwiza, chize vokanga. Kaha anukenu, kutala kunyima, chize chiuva chinayi. Lufwelelo lwenyi lwalinganga chize. Ove tumwenge mukulomba, nauhasa, ndumbu walunga? Kaha lomba kisu ya Kalunga hali etu. 

FUNGE LVE63-0717

(A Prisoner)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chitatu chingoloshi, Kuhuhu 17, 1963, mu Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org